




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.385/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.385/a



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CMAAGL 2.0.385/a

DISPUTATIO THEOLOGICA
Solennis
DE
PECCATORVM
CONFessione POENI-
TENTIALI CORAM DEO.

Ex Prov. 28. v. 13.

Qui abscondit scelera sua non dirigetur, qui au-
tem confessus fuerit & reliquerit ea, misericordiam
consequetur.

QVAM
ADSPIRANTE DIVINA GRATIA,
SVB PRAESIDIO
DN. IOHANNIS SCHMIDII,
SS. TH. DOCTORIS, PROFESSORIS

Senioris, Rev. Conv. Ecclef. Praesidis, Cap. Thoman.

Praepositi, Summi Templi Ecclesiastæ, & h. t.

Magnifici Rectoris,

Dn. Patroni, Promotoris, Praeceptoris, omni
honoris & observantiae cultu prosequendi,

Eruditorum Examine exponit,

M. IOHAN. HENRICVS HOENIG,

Argentinenfis.

Habebitur die Martii.

o s) o (s o

ARGENTORATI,
TYPIS FRIDERICI SPOOR.

M DC LVIII.



V I R I S
GENEROSA NOBILITATE, RE-
rum gerendarum prudentia, Meritorum
in Rempub. amplitudine Eminentissimis.

DN. ANDREAE BRACKENHOFFERO,
h.t. Consuli Reipub. Argent. Regenti.

DN. IOHANNI WENCKERO, Consuli
gravissimo XIII. Viro meritissimo.

DN. DANIELI WENCKERO; Collegii
XV-Viralis Assessori dignissimo.

DN. IOHANNI IACOBO ERHARDT,
Collegii XV-Viralis Assessori dignissimo.

DN. DOMINICO DIETRICO, Collegii
XV-Viralis Assessori dignissimo.

NEC NON

Viro admodum Reverendo, Excellentissimo & Clarissimo.

DN. M. VALENTINO SITTIG, Gymnasii Worma-
tensis Rectori, Affini suo & quondam Praeceptorum
venerando.

DNN. MECOENATIBVS, PATRONIS,
Fautoribus, Studiorum Promotoribus,

Exercitium hoc Academicum Solenne
inscribit & submitte offert.

M. IOHAN. HENRICVS
HOENIG.



207 016

DISPUTATIO SOLENNIS
DE
PECCATORVM CONFESSIONE
POENITENTIALI CORAM DEO.

EX PROV. 28. v. 13.

Qui abscondit scelera sua non dirigetur, qui
autem confessus fuerit & reliquerit ea, mise-
ricordiam consequetur.

S. I.

Nemadmodum Spiritus Sanctus nos in o-
mnem veritatem deducit, Joh. 16. v. 13. quippe ^{Negocios.} qui veritatis est Spiritus, non ratione communi, Spiritus S.
qua Angeli boni, qui in veritate perstiterunt, ve- ^{deducit in} ritatis dici Spiritus possunt, sed immense subli- ^{omnem} ^{veritatem.} miori & excellentiori, ita nimirum ut essentia-
liter sit ipsa veritas, 1. Joh. 5. 6. fons omnis veritatis, maxime illius,
qua vera ratio cognoscendi veri DEI & ingredienda vera salutis
via ostenditur: Ita è contrario Spiritus impurus Satan, id omni co-
natu agit, ut in mendacia & errores mortalium pectora seducat,
quippe qui mendacii Spiritus est, 1. Reg. 22. v. 22. & tenebrarum, E- ^{Contra}
phel. 6. 12. cui proprium mendacia loqui, Joh. 8. 44. Tamen si enim ^{Spiritus}
aliquando verum loquatur, quin eo ipso quando se, loco modo ^{malus se-} ducit in er-
cit, egressurum, & spiritum mendacem in ore omnium Prophetarum ^{rores &} ^{mendacia.}
Ababi futurum dixit, locutus sit, habitu tamen perpetuo mendax
est manetque, neque amore veritatis, sed ut eadem ad fallendum
decipiendumque abutatur, interdum vera profert, unde etiam
Christus, cum Sanctus DEI à Satana vocaretur, Luc. 4. v. 34. admit-
tere eius testimonium noluit, sed severe eum increpavit, & ut ob-

A

mute-

mutesceret præcepit: ad cuius exemplum etiam Apostolus Paulus, Actor. 16. v. 17. & seq. Spiritui impuro per puellam loquenti, atque ipsum Silamque servos Dei excelsi, qui salutis viam annuntiarent, proclamanti, nec ipse aures præbere voluit, nec ut alii præberent, permisit. Optimè Augustinus tractat 7. in Johan. tom. 9. p. 63. ad vers. 29. cap. 1. Joh. Immundi, inquit, Spiritus ut dent venenum, addunt mellis aliquantum, ut per id quod dulce est, lateat quod amarum est, & bibatur ad perniciem &c. & lib. 8. de Civ. Dei c. 24. demones beneficia præstando magis nocent. Addimus, vera docendo magis mentiuntur & nunquam periculosiores offundunt tenebras, quam cum se in angelos lucis transformant.

§. 2. Rursus, sicuti Spiritus Sanctus in omnem quidem nos deducit veritatem, omnia salutis consequendæ aperit consilia, singula doctrinæ cœlestis capita perspicue sufficienterque tradit, in iis tamen, in quibus maximè gratiæ vitæque obtinendæ cardo vertitur, explicandis uberior est & laboriosior; ita, ut non ter tantum quaterve, sed sæpiissime in utroque Sacri codicis testamento, eadem, verbis vel iisdem, vel aliis, sensu semper eodem, repetat, inculcet, illustret, ut, qui animum simplicem & discendi cupidum adfert, in promptu omnia quæ scitu utilia sunt & salutaria inveniat, iisque fidem suam alere & stabilire possit. Sic contra Spiritus

malus in eo quidem etiam occupatus est, ut omnem veritatem corrumpat & opprimat; cum, quantopere mendacium amat, tantopere veritatem aversetur & oderit: interim tamen eam, quæ salvificæ fidei præcipua præbet fundamenta, quæ spem de divinâ gratiâ præ aliis nutrit, quæ solido inter varias tentationes est solatio, maiori tum astu, tum furore oppugnat, ut firmioribus veluti fulcimentis periculose labefactatis & concussis, simul etiam quod reliquum est sanioris doctrinæ deiiciat, adeoque via salutis omnino eversa, miseros homines in præsentissimum animarum exitium præcipitet.

§. 3. Talis veritas illa est, quæ causas æternæ salutis directè continet & explicat: quo pertinent articuli de Deo triuno, qui Salutaris author, conservator, consummator est, eiusque essentia & voluntate, de persona & officio Christi, qui salutem olim amissam toti generi humano, quantum in se, instauravit & reparavit; de verbo & Sacramentis quæ Deus offerendæ applicandæque salutis nostræ.

3.
nostræ media esse voluit; de fide, quâ oblata in verbo & sacramentis promissiones salutis apprehenduntur; de justificatione &c. In quorum omnium veritatem, quemadmodum Spiritus Sanctus Ecclesiam suam ab ipsa eius origine certis gradibus deduxit, in eademque magis magisque confirmavit, hodieque conservat: Sic spiritus mendax nunquam non operam strenuè dedit, ut ab eadem humanas mentes abduceret, & in erronearum falsarumque opinionum amplexum pertraheret. Singulos enim articulos modo commemoratos ordine si consideremus, variis eisdem modis, omnibus seculis, corruptos fuisse & depravatos deprehendimus, & hoc quidem magis quo clarius maioriq; perspicuitate revelati in Scripturis sacris & traditi fuerunt: quâ de re, qui & olim, & nuper editi sunt Catalogi Hæreticorum eorumque monitiosi & blasphemii errores testantur, quibus, maxime tempore Novi Testamenti, quo longe ampliori luce, quam olim in Vet. Testamento Ecclesia, per omnia ferè doctrinæ capita collustrata fuit, divinam veritatem oppugnarunt, & hucusque in diem oppugnare non desistunt.

§. 4. Atque id ipsum etiam gravissimo articulo de salutari pœnitentia accidit. Est pœnitentia, veterum iudicio, salutis principium: sicuti Christus eiusdem fundamentum. Est omnibus necessaria, quibus ne pereant cordi est, Luc. 13. 3. & 7. siquidem per eam solum in peccata prolapsis & à Deo avertis ad eundem eiusdemque gratiam patet reditus, Eccl. 45. 22. unde Spiritus S. non tantum omnes homines ad pœnitentiam serio invitat, & suam convertimini, Ezech. 18. 30. cap. 33. 11. suam pœnitentiam agite, Matth. 3. 2. c. 4. 17. Act. 2. 38. Apoc. 2. 5. ingeminat, sed etiam doctrinam de pœnitentia, eiusque naturâ, partibus, requisitis, omnibusque circumstantiis diligentiissime exponit, ut, qualiter pœnitentiæ exercitia homo peccator aggredi, & in iis ad salutem versari debeat, plenissime intelligat. At quid è contrario Spiritus mendax? Avocat, quantum in se à pœnitentia ad carnalem securitatem, invitat ad mundanas delicias & voluptates, salutare exhortationes contemnere & ridere docet, pectora indurat, ingenerat contumaciam &c. Neque hoc solum, sed & sanam de pœnitentia doctrinam sacrarum scripturarum monumentis comprehensam in perversos & erroneos trahit sensus, humanis traditionibus & su-

Quo. r. 23.
pertinet
articulus
de pœni-
tentia.

Qui cum
perspicuè
ac suffici-
ter sacris
litteris cõ-
tineatur.

Variis ta-
men ratio-
nibus cor-
rumpitur.

persti-

A 2

perstitutionibus, si non plane corrumpit, saltem contaminat, ut occiso & erepto germano articuli sensu ad necessariam eius praxin & religiosa exercitia via vel planè intercludatur, vel certè difficilis & aspera reddatur.

In genere
notus.

§. 5. Ostentum hoc aliquo modo præcedentibus duabus disputationibus, quibus partim *in genere de pœnitentia* eiusque nomine, causis, forma, finibus, effectis, subiecto &c. partim *in specie de priori eius parte, contritione* eiusque natura, affectionibus qualitatibus, requisitis &c. egimus. Quid de singulis credendum, quæque vera sint, perspicuè Spiritus Sanctus & abundanter docet, sed nihil ferè eorum hactenus fuit, quod non hostis veritatis vehementer, præcipuè in Papatu, oppugnarit. Ipsum *pœnitentia* nomen non satis tutum fuit, ex quo Papatus pœnas ultro assumtas ad satisfactionem adstruere conatus est: qui & *naturam pœnitentia*, quantum in se, destruxit, dum eam in *sacramentum* convertit, præterea causis eandem operantibus *voluntatem humanam* annumeravit, ac variè circa alia etiam causarum genera, circa constitutionem & enumerationem partium, circa operationes & effectus erravit, qua de re disp. generali de pœnitentia actum. Eodem modo doctrina de priori pœnitentia parte, quæ *Contritio* est, longè aliter, quam à Spiritu S. sacris descripta literis reperitur, in Papatu tradita est. Cum enim *contritio* sit ferius per legem in corde peccatoris excitans *dolor*, quo cor confringitur & conteritur, adeoque *dura passio*, introducta tamen & recepta est sententia, esse eam *liberam actionem* sive *actum libere ab homine peccatore assumptum*: cum ideo ab homine pœnitente requiratur, ut agnità miseriâ suâ, ad misericordiam Dei propter Christum promissam vera fide confugiat, in eaque sola asylum salutis suæ constitutum credat, in *meritum* tamen conversa est, & dicta *causa remissionis peccatorum & justificationis*, quæ & aliæ idgenus sanioris doctrinæ corruptelæ, præcedente disputatione breviter sunt confutata.

Ad quam
peccatorum
confessio
pertinet.

§. 6. Carterum, quemadmodum ipsa contritionis pœnitentialis *vis* & natura heterodoxis opinionibus in Papatu corrupta est, ita etiam quæ ipsi *cognata* sunt pleraque omnia, cum primis tamen *peccatorum confessio*, qua homo post vitæ suæ & actionum diligentem ad normam legis moralis explorationem, se divina mandata infinitis modis violasse, agnoscens, & inde serio dolens, libere

libere ingenteque vel tantum coram Deo, vel etiam simul coram
Ecclesie ministro se peccasse fatetur, & absolutionem à peccatis
humiliter petit. Hæc confessio, vix dici potest, quot & quantis
inquinata superstitionibus, quibus errorum sit involuta tenebris.
Sane illam si spectemus, *qua divinitus mandata est*, & qua vel qui-
vis seorsum ac secreto, ex corde contrito & humiliato peccata sua
quotidianis precibus & penitentiae exercitiis, Deo ad exemplum
Davidis & aliorum confitetur, vel totus aliquis cœtus publicis
congressibus ad certam formulam ab Ecclesie ministro præle-
ctam se peccatis obnoxium esse agnoscit, & divinam misericor-
diam implorat, pauciores de ea tum olim motas esse, tum hodie
moveri controversias & questiones, constat. Verùm quod alte-
ram attinet, quæ divinum mandatum non habens, coram Eccle-
siae ministro privatim peragitur, ferè innumera de eadem superio-
ribus seculis excitata fuerunt certamina, ac magis semper magis-
que in hunc usque diem aucta, quo de magna in publicum edita
volumina testantur, in quibus de confessionis necessitate, siue divini
in Ecclesiastici iuri, quos & quando eius præceptum obliget &c. de qua-
litate, integritate, ac variis eius conditionibus & circumstantiis, de mi-
nistri, qui potestatem absolvendi habeat, & qua in eo scientia requira-
tur, de sigillo, de reservatione casuum &c. ita disputatur, ut pleraque
omnia salutarem confessionem à Deo præceptam, & in verè pœ-
nitentium exemplis ob oculos positam, multiplici superstitione
& errore ferè penitus obruant.

Circa quæ
plurimi
seventur
errores.

§. 7. Quapropter, ut toti articulo fidei, de salutifera pœ-
nitentia sua constet & servetur sinceritas, omnino opus est, ut
non tantum, quid de partibus eius, quibus immediate constitui-
tur, sed etiam de iis quæ affinia & connexa sunt, ex verbo Dei sen-
tiendum sit, ostendatur: quò cum præcipue *peccatorum confessio*,
uti diximus, referatur, (quippe quæ non quidem est ipsa contritio
neque eam constituit, perpetuo tamen, sicuti etiam interiores ge-
mitus & suspiria, ploratus, peccati detestatio, humiliatio, comi-
tatur: fieri enim nequit quin, qui ex peccatorum agnitione verè
contritus est, eadem confiteatur) sanè debitum adhibendum est
studium ut manifestum evadat, quæ mandato divino nitatur
confessio, adeoque omnibus pœnitentibus sit necessaria, quæ ab
Ecclesia orthodoxa, bono consilio ac libere introducta, non qui-

Quibus
obviam
eundum.

dem simpliciter omnes obligans, utilis tamen sit & pro loci, tem-
poris, aliarumque circumstantiarum ratione amplectenda & re-
tinenda, quæ denique per supersticiosam tyrannidem imposita &
extorta, non modo usum nullum ad conscientias vel rite infor-
mandas, vel ex pavore & metu erigendas habens, sed etiam men-
tibus jam ante perterrefactis, & sub mole peccatorum gementi-
bus, novum atque intolerabile onus imponens, ac omnem ferè
spem consequendæ gratiæ & remissionis eripiens.

Applica-
tio.

§. 8. Animus itaque est impræsentiarum huius materie
de peccatorum Confessione, quæ ad interiorem contritionem cordis
sequitur, brevem instituere *διατάξιν* adeoque, quod præc. disp.
sub finem §. 40. in nos recepinus, opere ipso exequi, fidemque li-
berare, quod tamen priusquam ex methodi regulis faciamus, pla-
cet pro consuetudine nostra, non usu omni, uti arbitramur, desti-
tuta, dicti in fronte adscripti, quod citra controversiam argumen-
to tractando sedem præbet accuratiorem explicationem præmit-
tere.

Textus.

§. 9. Ita autem verba in textu authentico habent: מוספה
משעיו לא יצליח ומורה ועוב ירחם In Chaldaico:
חמספה חובו לא נצלה ורמורה חטוי ושבק נרחם עליו
אלהא Qui abscondit scelera sua non dirigitur, & qui confessus fuerit
peccata sua & reliquerit miserebitur eius DEVS: Juxta Septuaginta:
ὁ ἐκρυπτόν τὰ σέβη αὐτοῦ ἐν ἐνομήσῃ τεταί, ὁ δὲ ἐξήγγισεν & καὶ
ἀλέησεν, ἀγαπήσεται: Qui abscondit impietatem suam non profe-
rabitur, qui autem narrat & redarguit, diligitur. Juxta Vulgatum:
Qui abscondit scelera sua non dirigitur, qui autem confessus fuerit, &
reliquerit ea, misericordiam consequetur: Juxta Tremellium & Ju-
nium: Qui tegit defectiones suas non prosperabitur, qui vero facetur &
derelinquit afficietur misericordia: Juxta Lutherum germanicè:
Wer seine Missethat leuener / dem wird nicht gelingen / wer sie
aber bekennet und läßt / der wird Barmherzigkeit erlangen. Juxta Pi-
scatorem: Wer seine Übertretungen verdeckt / dem wird
nicht gelingen &c. Juxta Dietenbergium: Wer seine Misse-
that verbirgt / &c.

Sicut in
toto pro-
verbiorū

§. 10. Quemadmodum toto Proverbiorum Salomoneo-
rum libro variæ miscentur materie, ut, aut nunquam aut raro co-
nexionis sententiarum rationes ostendi queant, quanquam sint,
qui

7.
 quies exponere conentur: ubi tamen res ipsa docet, illas potius libro nul-
 inferri, quam inveniri: ita etiam *caput vigesimum octavum* singulis
 ferè sententiis aliud atque à precedente diversum continet argu-
 mentum. Or dicitur Salomon v. 1. à contrario iustorum & iniusto
 rum statu, quod hi ex conscientie accusatione timidi sint, illi vero
 animo presenti & quieto, mox v. 2. agit de periculosis Rerumpu-
 blicarum mutationibus, ex hominum pravariatione natis, ut & sic nec in
 contra de earum prosperitate ac perpetuitate si pii & prudentes
 Viri lis præ sint; v. 3. describit sevitiā pauperum in alios paupe-
 res, v. 4. impios non laudandos sed coercendos & reprimendos, v. 5.
 pravos, stupidos & cæcos, probos verò sapientes, v. 6. pauperem
 in integritate ambulantem perverso diviti præferendum, v. 7. libe-
 rorum vitam honestā parentibus decori, turpem vero dedecori &
 ignominie, v. 8. infelicem opum magnarum per illegitimam cu-
 mulationem eventum, v. 9. orationem eorum, qui verbum divi-
 num obediendi studio audire nolunt, non tantum Deo non gra-
 tam sed & abominabilem, v. 10. malum quod improbi innocentibus
 parant, in ipsorum recidere caput: hos vero immunes servari,
 v. 11. divitem se sapientem fingere, cum non sit, idque pauperem,
 penes quem vera sapientia est, probè intelligere, v. 12. Florere &
 felicem esse Rempubl. ad quam moderandam viri iusti & inte-
 gri, infelicem si improbi, evehantur, docet. Jam sicut hi præce-
 dentes duodecim versus suas ubi proprias habent materias, ita
 etiam *decimus tertius*, qui hic noster est. De peccatorum enim
 tum occultatione siue negatione, tum detectione siue confessio-
 ne tractat, ac illi quidem pœnam gravissimarum calamitatum
 minatur, huic verò misericordiam & remissionem pollicetur.

Adeoque etiam hic ipse:
 Cuius duo sunt membra. In
 1. *Peccatorum* priori con-
 sideranda.
 2. *Abscōsionis infelix eventus.* Peccata hic in-
 telligimus quæ sunt cuiusvis peccanti propria. Non tegenda qui-
 dem sunt etiam quæ ab aliis committuntur, maxime atrociora &
 cum graviore periculo coniuncta peccata, sed debito modo in lu-
 cem producenda, ut severe coerceantur & mature reprimantur,
 confer Levit. 5, 1. & Prov. 29, 24. Lex fuit in Vet. Test. gravissima
 Deut.

Deut. 13. 6. & seqq. quia si quis occultis artibus falsos & idololatri-
cos cultus contra veram religionem introducere ausus fuisset,
eius impios conatus etiam sanguine iunctissimi, parentes & fra-
tres sine mora detegere, & rem ad Magistrum deferre, obstricti
fuerunt, ut iusta lapidationis poena afficeretur. Ex officio & lauda-
biliter olim fecit Iosephus, quando improborum fratrum suorum
malitiam & scelera patri Jacobo detexit, Gen. 37. v. 2. Laudabi-
liter Chusai, Zadok & Abiathar, qui scelestas machinationes
Absolonis & Achitophelis Davidi aperiendas curarunt, 2. Sam.
17. v. 15. & seqq. Laudabiliter Jonathan, qui de parentis sui Saulis
crudelibus consiliis Davidem fecit certiores: 1. Sam. 20, 12. &
seqq. Laudabiliter nepos Apostoli Pauli, qui scelus coniura-
tionis Judæorum mature, tum ad ipsum Apostolum, tum ad
militum tribunum detulit, Actor. 23. v. 16. Sic hodieque laude
digni sunt, qui ex sincero studio vindicandæ gloriæ divinæ, con-
servandæ & à periculis liberandæ Reipub. tuendorum proximi
vita, fama, fortunarum, atque ex aliis honestis rationibus im-
proborum scelera, quæ tacite machinantur, detegunt: usque adeo
ut, si ea occulta haberent, graviter & in Deum impii, & in Rem-
pub. ac proximum perfidi futuri essent. Unde etiam in Rebus-
publ. bene constitutis, certis legibus incolæ & cives vel promiscuæ
omnes, vel certi aliqui obligati sunt, ut, si quos sciant horrenda-
rum in Deum blasphemiarum, seditiosorum consiliorum, proditi-
onis, parricidiorum homicidiorum, aliorumque scelerum, quibus
gloria Dei violatur & tranquillitas civilis turbatur, reos, eorum
nomina ac nefanda facinora Magistratui exponant, quas si trans-
grederentur & scelera tegerent, nec virorum nec civium bono-
rum nomen mererentur.

Non alie-
norum de
quibus ali-
bi.

Sed pro-
priorum.
Nomen
שם
alias Spe-
cialioris
usus.

§. 12. Sed hæc, quæ ab aliis committuntur peccata, Salomo-
nem hic non intelligere, ex verbis ipsis clarum est. Diserte enim
inquit: *qui abscondis scelera sua*: & in altero versiculi membro:
qui reliqueris ea: relinquit autem homo in conversione non alie-
na sed propria peccata. In hebræo vox **שם** extat, cuius qui-
dem usus plerumque specialior est, & defectionem notat sive rebel-
lionem cum quis scienter & contumaciter **כורר** peccat, unde
vulgatus per vocabulum *sceleris* reddidit, sed tamen non raro ge-
neraliter, quamcumque legi transgressionem, cuiuscunque pacti vel
præce-

præcepti violationem significat, confer Psalm. 32, 1. *Beatus cui remissa iniquitas* **וְיָשׁוּב** v. 5. *Confitebor iniustitiam meam*, Psal. 39, 5. *ex omnibus iniquitatibus meis erue me*, adde & 51, 5. & 65, 4. ubi hoc nomine peccata omnia originalia & actualia comprehenduntur, ipsa testis est: Non enim penitentia tantum graviora peccata, sed omnia, quibus homo penitens contaminatus est, & quæ patravit, obiectum habet. Vnde Græci Interpretes diversimode reddiderunt, interdum per generalissimum vocabulum *ἀσθενειαν*, Psal. 51, 5. alias per *ἁμαρτιαν*, Hos. 8, 1. per *ἀναστασιν*, Prov. 28, 2. per *ἀδυναμιαν*, Gen. 31, 6. hoc nostro textu per *ἀσθενειαν*. Confer quæ super. disput. §. 13. notata sunt.

§. 13. Hunc posteriorem nominis **וְיָשׁוּב** sensum hic quin amplectamur, nihil obstat. Tamen si enim Rex Sapientissimus fortè videri possit, ab ea tantum dehortari peccatorum, ut sic dicamus *ratione*, quæ quis in humana vita à superioribus, quibus ad reverentiam & obedientiam obstrictus est, gravioris peccati à se commissi monitus, malitiosè contra conscientiam tergiverfatur, celat, negat: quod ab auditoribus coram Ecclesiæ Pastoribus, à subditis coram Magistratu, à discipulis coram Præceptoribus, à liberis coram parentibus, à servis coram Dominis crebro fieri experientia docet: quia tamen & in priori & in posteriori sententiæ membro generaliter loquitur, rectissime, sicuti *totius* de quacunque negatione & celatione peccati patrati, sic **וְיָשׁוּב** de quovis peccato, De omnibus peccatis, sive leviori, sive graviore, accipitur: ita ut nequaquam hoc loco quotidianæ infirmitates & lapsus, qui vel secretioribus cogitationibus & affectibus, vel externis gestibus, verbis, operibus fiunt & committuntur, imo nec ipsum originale peccatum & connatum omnibus vitium excludantur. Licet enim hoc posterius valde sit *occultum*, Psalm. 90, 3. nemoque hominum in abyssum malitiæ eius penetrare, aut perfectam per omnes partes cognitionem consequi in hac vita possit, necesse tamen est, ut quisvis penitens, quanto potest opere, & diligenti sacrarum literarum, quibus peccati huius scdita describitur, meditatione, ad eius notitiam contendat, & ubi eam aliquo modo acquisivit, in quotidianis penitentiae exercitiis, ingenuè coram Deo confessione, ingens malum deploret.

B

§. 14. Et

Verbum
כסה re-
sum cor-
porearum
proprium.
Hoc loco
improprie
usurpatur.

§. 14. Ergo ne ullum quis peccatum sive in fide, sive in vi-
ta admissum, cuius secum conscientiam habet, cum fateri legiti-
me jubetur, tegit aut neget, Rex Salomon monet. Participium
כסה à כסה est, verbo generalissimo, quod de rebus quæ quo-
cunque modo operiuntur, teguntur, occultantur, usurpatum in
Scripturis reperitur. *Proprie* quidem de corporeis, cum, quæ oc-
cultæ esse volumus, & à conspectu prohibita, iis operimenta inii-
cimus, Genes. 9, 23. Judic. 4, 18. Num. 9, 15. Psalm. 105, 39. *Impro-*
prie de quibuscunque aliis quæ absconduntur & occultantur. Sic
Prov. 12, 23. *Scientiam tegere* dicitur, qui non est ostentator, non
ampullas proiicit, non doctrinam suam & eruditionem jactat, sed
moderate de se sentit, & rerum peritiam dissimulat: *Ignominiam*
tegere, qui latratus calumniatorum æquo animo ferre didicit, nec
facile ad indignationem permovetur, cap. cit. v. 16. exemplo Da-
vidis, 2. Sam. 16, v. 10. *Deus peccata tegere* dicitur, Psalm. 32, v. 1.
Rom. 4, 7. quando ea clementer remittit & condonat, non punit,
cum puniendi haberet causas: ad quæ verba Augustinus: *Si teneas*
peccata DEVS, noluit advertere, si noluit advertere, noluit animadver-
tere, noluit punire, noluit agnoscere maluit ignoscere. Homines
aliorum *peccata tegunt*, eorumque multitudinem cum non pro-
mulgant proximi lapsus, sed, quantum licet, ex Christiana chari-
tate, dissimulant, Prov. 10, 12. 1. Pet. 4, 8. Aliquando *tegere* respon-
det verbis, *tueri, protegere*, Esai. 51, 16. *Indidi verba mea ori tuo, &*
ut umbra manus meæ tegete. Quæ hic loci sit verbi huius signifi-
catio, sive quid sit *tegere* jam dictum est, scil. peccatum in quod
quis prolapsus est, cuius ab ipsa conscientia accusatur, arguitur
ab iis, quibus vi mandati divini rotundè pleneque aperire & fate-
ri obstrictus est, vel simpliciter negare, vel aliqua ex parte modoq;
certis in circumstantiis factum inficiari.

Varie ra-
tiones,
quibus ho-
mines pec-
cata sua re-
gere solent.

1.
Simplex
inficiatio.

§. 15. Varie enim sunt artes & rationes, quibus peccata
sua homines tegere solent. *Est simplex inficiatio*, cum, quod quis
impie & inhonestè patravit, à se commissum prorsus negat: quæ
impudentia quam sit frequens, per omnes vitæ status experientia
plus nimis testatur. Negat & pernegat, dum non multis argu-
mentis convincitur, aut *אולי לא נאמר* *אולי לא נאמר* deprehenditur
homicida, latro, adulter, fur, criminis se reum esse, ad exemplum
Gehasi, 2. Reg. 5, v. 25. *Est conficta excusatio*, quali Saul ad grande
scelus.

scelus suum palliandum usus est, qui, cum ad severum DEI man-
 datum amalechitis radicibus à viro usque ad mulierem, à parvulo usque
 ad lactentem, à bove usque ad pecudem, à camelo usque ad asinum ex-
 tirpare, Regi tamen Agag & optimæ parti ovium, & bobus & pinguibus
 & saginatis pepercisset. 1. Sam. 15, 3. & 15. adeoque DEO inobediens
 atque rebellis factus fuisset, à Samuele graviter obiurgatus, ad fri-
 gidas & frivolas confugit excusationes, quibus ingens scelus te-
 gere aulus est: confer 1. Sam. 15, 15. & seqq. *Est translatio culpa*
in alios, in qua primi peccatores præsidium pessimæ causæ se in-
 venturos putarunt: Adam enim à muliere Eva seductum se inquit,
 quo ipsum Deum tacite accusat, à quo mulierem habeat, quam si
 non accepisset, legem divinam nunquam violasset. Eva à serpente
 si deceptam, ait, atque ipsa etiam, uti Adam, aliquo modo in Deum
 culpam reicit, quod serpentem quem seducturum fore prævidit,
 nihilominus creaverit, Genes. 3, 12. & seqq. confer Luth. comment.
 pag. 40. & seqq. Eodem modo peccata sua texerunt Judæi,
 Ezech. 18, 2. nec non alii omnibus seculis plures in hunc usque
 diem: quo de vide Massiliens. Episcopum Salvianum lib. 4. contra
 avaritiam egregie dissentientem, pag. 147. *Est criminis extenuatio*,
 qua quæ sunt atrocissima, ex nonnullis circumstantiis persona-
 rum, locorum, temporum &c. ut leviora videantur permulti ef-
 ficere, adeoque horrenda peccata in exigua convertere peccatilla,
 laborant: unde impia sceleratorum voces. *Res non tanti est, ita*
fert natura & temperamenti mei, quod ex memetipso non habeo, ratio,
alius in aliud, ego in hoc vitium raptor; viro in locis quæ aliam vivendâ
rationem non permittunt. Vita habeo socios, ad quorum mores, meos
ut componam mores, necesse est: &c. Iterum, inquam, impia voces!
 quas non tantum sacræ execrantur literæ, sed etiam saniores Eth-
 nici damnarunt. Egregiè Plutarchus eo libello, quo quomodo quis
 suos in virtute paranda profectus sentire possit, docet. In virtute, in-
 quit, rectè proficiens nullum jam peccatum exiguum putat, sed omnia
 studiosè vitat atque observat. *Est pretextus inveteratæ consuetudinis*,
 cuius vis omnino maxima: Frequentia enim si fiant & consuetu-
 dinaria scelera, nec severè puniantur, jam paulatim vilescunt, &
 non pro gravibus amplius, imò ne quidem pro peccatis haben-
 tur: quo de Augustinus Enchirid. c. 79. sub finem: *Peccata quam-*
vis magna & horrenda, cum in consuetudinem venerint, aut parva esse

2.
Conficta
excusatio.

3.
Culpæ
translatio.

4.
Criminis
extenua-
tio.

5.
Inveteratæ
consuetu-
dinis præ-
textus.

6.
Exempla.

Infelix ab-
fconsonis
sive nega-
tionis E.
ventus.

Verbi
הִפְחִילִי
significatio.

In phrasi
melioris est
qua minus
dicitur
quam si
significatur.

aut nulla creduntur, usque adeo ut jam non occultanda, verum etiam
prædicanda videantur, &c. In Republ. si gula, luxuria, ebrietas,
scortationes, adulteria, flagitia alia, à quibus alias honestatis de-
hortatur sensus, impune aliquandiu grassentur, tandem laesus
fuit, confer Jes. 3, 9. Jer. 13, 23. Sunt denique exempla eorum præ-
cipue qui autoritate præ aliis pollent. Hi enim si impiè flagitio-
seque vivant, aliis, quos corrumpunt, excusandorum scelerum
præbent occasionem, ut (quæ verba sunt Ambrosii libr. ad virgin.
laps. cap. 9.) sibi blandiantur & dicant. Non solus hoc egi, multos ha-
beo socios, &c. Non primus sum, nec postremus ero: Idem quod
jam à me, ab aliis pridem factum, & ab iis quidem, qui officiorum
amplitudine & status dignitate longè me superiores sunt, &c.

§. 16. His aliisque rationibus abscondere & tegere pecca-
ta sua homines securi solent, sed eventu valde infelici, quem duo-
bus verbis Salomon expressit הִפְחִילִי הִפְחִילִי: quorum sensum haud
satis assecutus est vulgatus, dum reddidit, non dirigeretur: melius ali-
non prosperabitur: optimè Lutherus: dem wird nicht gelangen.
Verbum הִפְחִילִי primo & propriè significat latinis percurrere,
pervadere, scindere, traicere, vide Lexic. Schindl. Deinde felici-
tatem ire, prosperum esse, fausto rerum frui successu, &c. ut æquipol-
leat græcis εὐοδῆν, εὐοδῆσθαι. In coniugatione hiphil, cuius futur-
rum hoc nostrum est, ut ex exemplis patet, sæpius pro natura
transitivè, aliquando tamen etiam intransitivè usurpatur. Exem-
pla vide diversa in Lexic. Pagnin. Hic parum interesse videtur,
quo quis modo accipere velit, sive passivè, prosperatus fuit, quæ
translatio pluribus, sive activè, secundavit, fortunavit aut feliciter
pergit, quæ nonnullis placet, qui tamen semper aliquid subintel-
ligunt, ex gr. ἤνεν ἡ γῆ: hoc loco ἡ γῆ ἡ γῆ ἡ γῆ, ut ita sen-
sus sit: vel non prosper futurus est, regens peccata, vel non fortunabit
suam rectionem. Caterum habet iste loquendi modus aliquam in
in se meliorem, qua minus dicitur quam significatur. Siquidem Sa-
lomon non tantum iis, qui negant & tegunt peccata sua, minatur
felicitis successus privationem, sed simul & maximè quidem, gravissi-
marum calamitatum pernarumq; iniunctionem. Hic enim genius
est Hebrææ linguæ, ut sæpè verba negantia, pro contrariis valde vehe-
menterq; affirmantibus ponat. Tale illud 1. Sam. 12. v. 21, ubi Pro-
pheta

pheta, ne Israelita Deum verum deferant, & ad idola deflectant, sermo moeans, rationem addit: **לֹא יִדְּעוּךָ** itemque **לֹא יִדְּעוּךָ** non praesent, neque eripiant; Sentus proprie est: gravissima nobis mala accerent, & in extremam conicient miseriam: itemque illud Prov. 17, 21, Pater stulti, **לֹא יִשְׂכַח** non latabitur, id est, perpetuo gravissime dolebit. Dicitur ita: Nemo quicquam unquam ita dolet, quin idem aliquando gaudet: sed enim qui in omni momento dolet, id dicitur non gaudere, summus enim dolor semper latitans vacat. Quo etiam referendum illud apud Proph. El. cap. 21, 3. (quod ab Evangelista Matthaeo repetitum legitur, c. 12, 20.) **לֹא יִשְׂכַח לֵא** **יִכְכֶּנָה** non exstinguat lumen famigans: non frangat arundinem quasi sciam. Vis enim consolationis efficacissima est: corroborabit gratia sua, firmabit & confortabit, eriget & solidabit &c. Digna sunt quae adscribantur Beati Lutheri ad hoc vaticinium verba, tom. 4. Jen. latin. p. 327. b. Pulcherrima pictura Christi suavissimi exornatur figuris scilicet in consolationem plenissimam. Inest enim figura scilicet capivi- sis, quia minus dicit quam significat, ut, non exstinguet non confringet idem sit, quod maxime accendit & consolidat. Et est illa figura valde dulcis & potens in loco dicto ad consolandum: Ut pusillitiam aliquis sit, & metuat accedere Sacramentum propter reverentiam &c. persuadeat aliquis hac figura: cur metuis? Accede, non enim Christus venenum tibi dabit: item, Er steht ja nicht mit der Keule hinter dir, item: Er wird dich nicht fressen. Valde erigunt ista negative, quia excludunt hoc quod metuitur malum potentissimum, & simul includunt affirmativum, quod petitur bonum opulentissimum &c.

§. 17. Ergo quicumque peccata quae fateri debebat, sciens Non pro-
rolensque tegit & negat, hac sua malitia & mandati divini viola. sperari co-
tione, *facturam iusto DEI iudicio facit bonorum omnium*, quibus *prehendit*
hactenus coelesti gratia gavissus est: id est, omnium ademptionem
& ablationem meretur. Non quidem semper eo statim momento,
quo tale peccatum ab impiis committitur, sua Deus ipso opere
exerceat iudicia, sed, quae summa ipsius est *propter bonum*, eos ali-
quandiu tolerat, imo & certis beneficiis pergit ornare, ut pristi-
na fruantur dignitate, floreat opibus, commodè vivant, succel-
sus rerum habeant exoptatos: interim alia & contraria merentur:
quae, nisi bonitate & patientia divina ad feriam poenitentiam ac-
peccati agnitionem confessionemque sese permoveri patientur, Bonorum
omnium
tandem iusturam.

Infinitorū
malorum
cumula-
tionem.

tandem Deus se ipsa infert, & hoc quidem severius, quo diutius beneficiis, quibus indigni fuerunt, sunt abusi, ita ut vel omnia simul bona auferat, vel successivè modo hoc, modo aliud, donec omnino omnibus exuantur, nec ullam eorum recuperandorum spem reliquam videant. Hanc bonorum jacturam illico comitatur, *variorum malorum* cumulatio, *malorum*, inquam, *conscientia*, quæ negantem peccata, arguit, convincit, damnat, mordet, & flagellat: quæ enim pertinacius homo impius se non peccasse clamat, hoc vehementius interior reclamatur testis, & plena quodammodo voce, mentiris, ait, scelerate, te innocentem esse, en facinus à te patratum, en facinoris circumstantias, locum, tempus, socios, iterationem &c. *Malorum fama & dignitatis*. Est Deus qui ad tectiōem & negationem scelerum interdum aliquandiu connivet, ut in foro & iudicio humano absolvantur & pronuncientur iusti, qui sunt iniquissimi, at suo tempore, miris modis & præter expectationem flagitia occultè patrata in lucem producit, ac omnium exponit oculis, unde tanto maior infamia in illos & ignominia redundat, quo se ab ea longius abesse pridem fuerunt persuasi. *Malorum circa fortunas & facultates*: Illegitimis rationibus non pauci interdum corradunt divitias, bona rapiunt aliena, ut reddant, moniti, negant, ulli hominum à se illatam iniuriam, quæ acquisiverunt bono titulo se possidere &c. Sed qui nefarios huiusmodi raptōres odit iustissimus in cœlis iudex, malè partas opes, quando ipsi videtur, *ex ventre eorum extrahit, & facit ut divitias quas devoraverunt, evomere cogantur*, Job. 20. 15. : imò non illas tantum, sed una etiam reliquas quas honestiori modo collegerunt. *Malorum in Obitu*: Non enim potest non esse infelix excessus hominis, qui non prius conscientiam seria confessione peccatorum exoneravit. *Malorum post obitum*: Existimant homines scelerati, si tecta sint, quæ vivi nefariè committunt, fore etiam, ut post mortem occulta perpetuò maneant, sed non raro contrarium accidit, ac in promptu sunt exempla eorum, quorum facinora, quæ se patrasse, vivi negarunt, postobitum, patefacta, & cum extremo illorum dedecore undique divulgata fuerunt. *Malorum in posteris*. Quam maiores virtutis studio & rebus præclarè gestis nominis famam & laudes pepererunt, earum quibusdam radiis quoque posteris collustrantur: sic ex parentum sceleribus in lucem protra-

protractis grandis adspersitur liberis macula: quæ singula latius
persequi huius loci non est.

§. 18. Jam, quemadmodum, qui variis artibus scelera &
peccata sua tegunt, omnium bonorum faciunt iacturam & infi-
ta sibi mala accerunt: sic è contrario, qui ea *fatentur & relin-*
quunt, misericordiam consequuntur: ubi tria ponderanda, 1. *Peccato-*
rum Confessio. 2. *Eorundem relictio sive evitatio.* 3. *Felix eventus.* Pri-
mum continetur voce **מוֹרָה** participio (græci habent *ἡμετέρας*
ἁμαρτίας, quod specialius est, nec hebræo per omnia respondet) ab *Peccatoris*
הוֹרָה cuius radix **וִרָה** usu & significatione latè patet. *Proprie*
idem est, quod latinum *jacere, proinere, siaculari*, Jerem. 50, v. 14.
Thren. 3, v. 18. Zach. 1, v. 20. *Improprie & Metaphorice*, vocem liberè emic-
tere, *DEVM* ob accepta beneficia laudibus celebrare, ei, gratias agere,
vel etiam commissa contra *DEVM* eiusq; legem peccata confiteri, eo-
rumq; remissionem petere, quæ posterior significatio huius loci est &
ubi notandum, quod, quemadmodum in prioris membri verbo
בִּיכָה *tacita sates debortatio*, quæ Salomon monet, ne quis pec-
cata sua, quorum secum habet conscientiam, contra conscien-
tiam tegat, negetque, sic huius posterioris **מוֹרָה** *tacita continen-*
tur exhortatio, ut transgressor legis divinæ peccata sua ingenuè fa-
teatur, iisque conscientiam ad consequendam tranquillitatem ex-
onerat.

§. 19. Cæterum, cum peccatorum Confessio varia sit &
multiplex, quam hoc loco Salomon præcipuè intelligat, viden-
dum. De Sacramentali, quam sic vocant, confessione Veteres
Pontificii hand pauci eum loqui statuunt. Hugo de Sancto Charo
sensum verborum totius versiculi 13. talem tradit, part. 3. postill.
super Proverb. p. 54. fac. 2. *Qui abscondit scelera sua confessori suo,*
non dirigitur ad Dominum, quia peccata avertunt a DEO, qui autem
*confessus fuerit ei qui potest eum absolvere, verè, purè, integrè, spon-
taneè, & reliquerit ea voluntate & opere, misericordiam consequetur &c.*
Eodem modo Dionys. Caietanus, Jansenius & alii. Ex recentio-
ribus nonnulli, qui huic sententiæ patrocinari conantur, cum ne-
gare nequeant, tempore Salomonis auricularem & sacramentalem
confessionem nondum fuisse institutam, aiunt: Salomonem his verbis Pro-
phetam agere, & de confessione sacramentali, futuris temporibus à Chri-
sto instituenda, vaticinari &c. Dissentiunt tamen pleriq; alii. Cor-
à Lap.

Non de auriculari Pontificia. à Lap. ingenuè, aliqui, inquit, censent Salomonem exigere auriculari rem & sacramentalem confessionem, quæ in lege nova sit confessio ad recipiendam peccatorum absolutionem in Sacramento penitentiae: verum hæc tempore Salomonis nondum erat instituta: nam post mille annos sancita est à Christo. Dico itaque eum loqui de confessione, quæ est juris nature eaq; duplici &c. Ita Salazar secutus Gregor. Magn. Non de illa, ait, confessione per quam scelera apud Sacerdotem deponuntur hæc verba accipienda, sed de illa quæ quis reprehensus obiurgatusq; admissas culpas non dissimulat, sed quam primum aperit, ac revelat superiori. Similiter Estius in annotat. aureis p. 419. Non pertinet hæc sententia propriè ad confessionem sacramentalem, ea enim tum nondum erat instituta. Subiicit tamen: Rectè usurpatur ad excitandos homines, ut sacerdoti confiteantur, præsupposito eo, quia sacerdoti data est potestas remittendi & retinendi peccata. Si enim secundum dictum sapientis omnis qui confessus fuerit & reliquerit peccata, misericordiam consequetur, multo magis qui confiteretur sacerdoti DEI vicario. Amplectimur in hisce rem ipsam, nequaquam scilicet hic (quamquam nec uspiam alibi) fundamentum contineri auricularis & sacramentalis confessionis, non tantum ob allatam ab ipsis Pontificiis rationem, sed ob plures alias, quas copiosius huc adducere supervacuum æstimamus.

Sed de ea quæ tempore Salomonis in usu fuit: qualis. §. 20. Facile autem, de qua Confessione verbum Salomonis sit accipiendum intelligimus, si quæ id temporis confitendorum peccatorum fuerit consuetudo ex historia Sacra discamus: ubi primo omnium se offert secreta confessio, quæ homines peccatores post institutam vitam suam & actionum explorationem peccata sua & transgressionem, quas serio agnoscunt, & deplorant, vel tacito gemitibus & suspiriis, vel simul etiam externa voce & sermone, soli DEO confitentur, seque reos iræ & æternæ damnationis esse, cum verò cordis dolore intra se sentientes, divinam misericordiam implorant. Quæ confessio omnium à mundi origine, post lapsum, temporum & seculorum est, quippe cum contritione illa, quæ pars penitentiae est, ita coniuncta ut ab eadem separari nequeat. Quo pacto primi Parentes post violatam legem moniti, peccatum suum sunt confessi, ac simul posteris omnibus exemplum reliquerunt, quod imitarentur, in quod etiam respexerunt, quorum confessiones sacre literæ Vet. Test. passim describunt. Est deinde confessio

confessio, qua homo peccator, non tantum coram DEO, sed etiam coram
 Sacerdotibus & Ecclesia ordinariis ministris, cor suum effundit & se pec-
 casse fatetur, quo D. Chemnicus in Exam. Concil. Trid. part. 2.
 cap. 5. ubi hoc de confessione argumentum ex professo tractat, re-
 fert sacrificiorum pro peccatis oblationes, in quibus, qui hostias ad-
 duxerunt, simul peccata sua sunt confessi. Talis confessio fuit Da-
 vidis, post commissum cum Bathseba adulterium, & non multo
 post in Vra homicidium: monitus enim à Nathane scelerum
 tam gravium, minime est inficiatus, 2. Sam. 12. & 13. Est porro con-
 fessio, qua quis proximum graviter offensum, vel sponte sua, vel ad alio-
 rum exhortationes adit, se peccasse agnoscit, filios, ignosci humiliter pe-
 tit, simul promittens nunquam deinceps sese tale aliquid, quo
 ledi proximus posset, commissurum: quo modo Saul crudelissi-
 mus Davidis persecutor, semel iterumque agnovit & confessus
 est, nullam se habere tam hostilis persecutionis causam, se iniu-
 stam esse, Davidem vero iustum, 1. Sam. 24. 18. cap. 26. 21. Huc perti-
 net mandatum Apostolicum (quod omnino etiam in Vet. Test.
 omni tempore viguit, ut alix leges mores, confer Matth. 5. 25.)
 Jacob. 5. 16. *Confitemini invicem peccata vestra.* Sanè Pontificii il-
 lud ad stabiliendam confessionem suam sacramentalem trahunt,
 sed non sine violentia, id quod ex ipsismet nonnulli agnoscunt.
 Rotunde Caietanus: *Non hic est sermo de confessionis sacramentali, ut
 patet ex eo quod dicitur confitemini invicem. Sacramentalis enim confes-
 sio non fit invicem, sed sacerdotibus tantum, sed de confessione, qua mu-
 tuo satemur nos esse peccatores, ut oretur pro nobis, & de confessione
 hinc & inde erratorum pro mutua placatione & reconciliatione.* Ita &
 Erasmus sentit, ac rectissime quidem. Licet enim ex Nostratibus
 quidam Apostoli verba de ingenua peccatorum coram ministro
 verbi edita confessione explicent, ex circumstantiis tamen mani-
 festum est, ad privatam offensarum confessionem, deprecationem
 & fraternam reconciliationem Apostolum hortari: quas
 circumstantias ex contextu diligenter declarat D. Franz. tract. de
 Interp. Saer. liter. oracul. 154. p. 232. & seq. Est præterea confessio pu-
 blica, qua tota Ecclesia, vel maior pars publicè congregata peccata sua
 confitetur, coramq; remissionem petit: qualis in Vet. Test. fuit, quo
 do Sacerdos ambas manus super caput hirci imposuit, & confessus est su-
 per illud omnes iniquitates filiorum Israel, & omnes pravaricationes
 eorum,

3.
Coram
DEO &
Sacerdotibus
simul.

1.
Coram
proximo
offenso.

4.
Publica co-
nitus Eccle-
sia.

C

eorum,

54
Hominū
scelerato-
rum & co-
rum qui
superiores
suos of-
fenderunt.

eorum. Levit. 16, 21. Confer quæ Paulus Fagius in Paraphrasi Onke-
li Chaldaica, latinitate donata, ex Hebræa antiquitate ad hoc ca-
put annotavit, ubi confessionum formulas, quibus Sacerdotes,
tum quando pro tota Ecclesia Israelitica, tum quando pro se do-
moque sua expiationem fecerunt, usi sunt. *Est tandem confes-
sio, qua qui grande aliquod scelus, homicidium, adulterium, fur-
tum &c. patravit, aut Superiores suos, Magistratus, Ecclesia ministros,
Parentes, Præceptores offendit, sincerè, quid commiserit, fatetur, ut re-
missionem consequatur, ut pœnæ mitigationem impetret, aut si
hanc obtinere per leges divinas nequeat, ab æternis suppliciis se-
liberum & immunem futurum certus esse possit: confer histo-
riam Achan, Jos. 7, 20. 21. Omnes istæ confessionum species sicuti
tempore Salomonis fuerunt divinitus, vel verbis expressis, vel
tacitè mandate, & in usu ac consuetudine positæ, ita verbo כָּוַנָה
comprehenduntur, ut sensus sit. Tu, quisquis es hominum, fac ut
quotidiè vitam actionesque tuas diligentissimè examines, & ubi
multis te modis Deum offendisse deprehendis, ingenue, humiliter
& ex contrito corde secreto coram ipso omnia confitearis; fac ut
idem à te fiat, sed tamen simul etiam coram sacerdote, quando
sacrificium pro certo aliquo peccato offers. Tu qui proximum &
fratrem vel verbis, vel factis læsisti, abi ad eundem, fateri te deli-
quisse, idq; sincere & cādide, utere deprecatione, pete ut tibi igno-
scent. Quin & vos omnes, qui à Deo ad gratiæ regnum vocati estis
eiusque populus vocamini, cum non ignoretis plurimis vos pec-
catis obnoxios, ac iram divinam & pœnas, tum temporales, tum
æternas promeritos esse, levate corda vestra cum manibus ad Domi-
num in celos & dicite: nos inique egimus, & te ad iracundiam provo-
cavimus, peccavimus & recessimus à mandatis tuis, non obedivimus
servis tuis Prophetis, Domine nobis confusio faciei Regibus nostris, Prin-
cipibus nostris & Patribus nostris. Tandem tu, qui in grande & atrox
prolapsus es facinus, aut qui eos, quos honorare, quibus obedi-
entiam præstare obstrictus es, gravius offendisti, cum fateri juberis,
noli tergiversari, da gloriam Deo, obtempera hac quoque in parte.
Magistratui aliisque, sub quorum potestate vivis. Felicem te, feli-
ces quoscunque alios si hæc monita mea locum, patulas aures, pe-
dora morigera invenerint!!*

21. Con-

§. 21. Coniungit autem Salomon cum *confessione* peccatorum disertè eorundem *relictionem* evitacionem & fugam: Hebraicum **נָשַׁח** (à quo græcum *ἐλέγχω* longius abit, ut per se manifestum) in genere significat quocunque modo *se se separare, se-jungere, deferere, omittere, dimittere* &c. & tum de personis, tum de rebus usurpatur. Exempla apud Lexicographos extant, confer Pagnin. & Schindl. Hoc loco ubi de peccatis sermo est, plura complectitur. Is enim demum relinquere priora à se commissa peccata dici potest, qui *sapius in memoriam ea cum dolore revocat*, siquidem reducere, hic est abigere: Securi animi argumentum est, præteritorum lapsuum non amplius meminisse: tametsi enim à divina gratia & eorum remissione per seriam penitentiam impetrata dubitandum non sit, mente tamen crebrius eadem recolenda, ut hoc pacto & misericordia Dei melius agnoscatur, & pectus contra peccata tutiatur firmitus: Chrysost. vel quivis alius autor homiliar. ad popul. Antioch. homil. 41. cuius *ἡμῶν* est: quod magnum sit bonum propria agnoscere peccata, tom. 1. p. 303. Bonum, inquit, est semper peccatorum meminisse: nihil ita corrigit peccatum, sicut perennis memoria, nihil tam segnem facit ad malum &c. Hoc modo peccata reliquit David, qui jam senex, aut senectuti vicinus delictorum juventutis, non sine tristitia fuit memor, Psalm. 25, 7. & ne Jehova eorum meminisse velit ardentè oravit. Hoc modo Augustinus, qui ipse quoque in confessionis libris, non ad juventutem tantum & pueritiam, sed usque ad primam infantiam retrogressus est, & illius ætatis peccata recoluit. Quis, inquit, commemorat mihi peccatum infantia mea, in qua reprehendenda multa faciebam: ab infantia in pueritiam veni, vel ipsa potius venit in me, & successit infantia, Domine DEVS meus peccabam faciendo, contra præcepta parentum & Magistrorum. Recordari volo transactas scditates meas & carnales corruptiones animæ meæ; non quod eas amem, sed ut amem te, DEVS meus, amore, cui amoris istud facio, recolens vias meas nequissimas in amaritudine recogitationis meæ, ut tu dulcescas mihi &c. Deinde is relinquere peccata dicitur, qui non tantum ipsa malefacta recolit, sed simul etiam eorundem gravitatem & atrocitatem, per omnes circumstantias expendit, ac secum imprimis cogitat, quod offenderit DEVM, à cuius gratia animam, corpus, vitam habeat, & infinita singulis momentis accipiat beneficia, quæ rursus ad eius gloriam

2.
Eorundem
relictio
quæ sit

1.
Crebra re-
cordatio-
ne.

^{2.} **Atrocitatis consideratione.** gloriam omnia fuerant conferenda: cogitat, quantum Dei adversus peccatum sit odium, id quod ex horrendis suppliciis & poenis, à mundi origine impiis hominibus illatis, aliquo modo cognoscitur: cogitat, quantum bonorum & spiritualium & corporalium thesaurum per peccata amiserit, quantis è contrario & quam innumeris sese malis immerferit: in quo argumento copiosus est Chrysost. homil. 41. in cap. 19. Act. Apost. tom. 3. p. 716. & seq. ut & homil. 9. in cap. 3. 1. ad Corinth tom. 4. p. 393. & seqq. unde pauca hæc adscribere juvat. *Peccatum est peius, 1. so Dæmone, peccantes sunt deterius affecti, quam à Dæmonio vexati. Barbarum peccatum est, quod cum animam semel captam, ita ut contra persuaderi nesciat, in suis sordibus demerferit, sub 1. rannidem redigit; nihil tam violentum quam peccatum, omnia enim everit; confundit, perdit, quicunque incidit: confer si placeat, unoque loco allegato seqq. plura. Relinquit etiam peccata, qui ea extreme odit, avertatur, & detestatur juxta præceptum Siracidis 17. 22. valde odio habere rem a'ominandam: quod odium per se ex atrocitatis consideratione nascitur. Quis enim non odisset rem omnium foeditissimam, unum atque unicum orbis malum & cæterorum omnium malorum seminarium, miseriarum omnium pelagus profundissimum: confer disp. præc. §. 135. Ad hoc peccati ex eius atrocitate natum odium sponte ipsa, proprie dicta relictio, sequitur, quo quis peccata, quibus pridem deditus fuit, deinceps vitat & fugit, memor moniti Sapientis cap. 21. 1. & seq. *Fili peccasti non adiuvas iterum: quasi à facie colubri fuge peccata: si accesseris ad illa mordebunt te, dentes leonis, dentes eorum interficientes animas hominum, quasi romphaa bis acuta omnis iniquitas: plaga illius non est curatio.* & cap. 17. 21. & seqq. *Convertere ad Dominum & relinque peccata, minue offendicula, convertere ab iniustitia.* Quæ relictio & fuga etiam continet vitatorem omnium peccandi occasionum, quæ maximopere necessaria est. Non enim verè atrocitatem agnovisse peccati, idemque odisse & reliquisse creditur, qui iis sive locis, sive conversationibus adhuc seduci: *Ne de lectione in semitis impiorum* (verba sunt Proverb. 4. 14.) *nec tibi placeat malorum via: fuge ab ea nec transis per illam, declina & desere eam,* & cap. 5. 8. *longe fac à muliere fallaci viam tuam, & ne appropinques foribus domus eius. Non in eo tantum laborandum nobis est.**

^{3.} **Extremo odio.**

^{4.} **Fuga & aversatio.**

^{5.} **Occasionum peccandi evitatio.**

est, inquit Basil. Magn. constit. cap. 1. tom. 2. p. 757. ut motus animi
in cogitando moderemur, sed quo ad heri possit ab earum etiam rerum
congressu longissime fugiendum est, cum primis quaecunque in conspe-
ctu nobis adducta, consilium rationumque vim perturbant atque confun-
dunt, bellumque & sollicitas in animo argorescunt. Etenim bellum quod
præter voluntatem nostram incidit nobis, exspectare fortasse necessarium
sit; ipsum vero aliquem sibi voluntariam creare, id vero summa stulti-
tia est, &c.

§. 22. Neque tamen ut in sola peccatorum relictione, & ^{6.}
fuga subsistamus, Salomonis mens est, sed simul etiam ad virtu- ^{Virtutum}
tutum amplexum tacite hortatur. Hæc siquidem ratio est omnium ^{contraria-}
mandatorum divinarum, ut dum vitia & peccata fugere jubeant, ^{rum am-}
eo ipso quoque contrarias persequi & colere virtutes præcipiant: ^{plexu &}
unde non raro expresse utrumque coniungit sacra scriptura, id ^{studio.}
est, peccati fugam exigit & virtutis studium postulat, Psalm. 31.
14. & 37. 27. *diverte a malo & fac bonum*, Eccl. 1. 16. *Lavamini aufer-*
te malum cogitationum vestrarum ab oculis meis, quiescite agere per-
verse, disite benefacere, quarite iudicium &c. Rom. 12. 9. *odio prose-*
quentes malum, adhaere bono: in quæ loca Hieron. prioribus, in-
quit, præceptum improbatum otium, posterioribus imperatur studium: ubi
animus corripitur, hic incitatur, illic fecisse, hic non fecisse culpabile est.
Solum malum non admittere (ita scribit Hilar. p. 678. ad verba Psalm.
144. v. 2. *per singulos dies benedicam tibi* &c.) non habet laudem, nisi
mali abstinencia etiam gloria boni operis consequatur. Exordium
profectionis ad virtutem est abstinere a peccato, & hic ordo disciplina ne
ab inferioribus ad perfectiora contendas, nam ab ipso principio profes-
sionis Christianæ non modo cavenda prohibita, sed etiam facienda impe-
rata sunt, confer Ambros. Enarrat. Psalm. 1. v. 1. & 2. tom. 4. p. 463.
seqq. Non itaque sufficit si quis luxuria, & libidinibus absteat,
si fugiat fornicationem, 1. Cor. 6. 18. *si abstineat a fornicatione*, 1. Thess.
4. 3. nisi etiam sit castitatis cultor, & sciat vas suum possidere in sancti-
ficatione & honore: non satis est, avaritiæ non esse deditum, nisi ec-
iam liberalitas & beneficentia erga egenos exerceatur. Quos
Christus Salvator variis liberavit morbis & sanavit, eos illico sur-
gete & ambulare iussit: sic qui jam divina gratia peccata reliquit,
& animæ sanitatem consecutus est, bonis operibus studere, & in
eis ambulare debet, Eph. 2. 10. confer Gregor. Magn. Exposit. moral.

in Job. libr. 23. cap. 15. p. 788. ad. vers. 19. cap. 33. Jobi. *Incipiat quoque per dolorem in lectulo &c.*

§. 23. Magnum & inestimabile, quod hoc modo peccata confidentibus & relinquentibus, ex gratia promittitur primum est misericordia consecutio. *Qui confessus fuerit & reliquerit peccata misericordiam consequetur.* Hebr. **כחן** cuius radix **כח** significat diligere, non quovis modo, sed vehementissime, tenerrime, sive interno affectu, qui visceribus inditus est, tangi & commoveri erga aliquem, summa commiseratione prosequi, eo complecti modo, quo fectum maternus uter, ita ut opponatur, **כחן** quod est excidio & perditioni devovere, sine omni commiseratione de medio tollere; unde Lutherus noster futurum **כחן** quod extat, Pl. 18, v. 2. licet græci simpliciter per *ἀγαπῶ*, latinus per *diligam* reddiderint, optimè expressit germanicis verbis, *Sorglich* *sieh* *hab* *ich* *dich* &c. Eadem ferè vis est græci passivi, *πλαγχνίζομαι* cuius usus apud profanos scriptores rarior, in sacris libris vero crebrior est, confer Matth. 9, 36. cap. 14, 14. cap. 15, 32. cap. 20, 34. &c. *Τὰ πλάγνια*, ut notum, intestina proprie sunt, Act. 1, 18. sed eadem voce omnes teneri, ac inprimis materni affectus denotantur, confer Luc. 1, 78. 2. Cor. 7, 15. Philip. 1, 8. cap. 2, 1. Coloss. 3, 12. 1. Joh. 3, 17. hinc passivum *πλαγχνίζομαι*, commiseratione, quæ ex intimis visceribus proficiscitur, tangit. Activà *πλαγχνίζω* (quod obiter notamus) significatio alia est, quod tamen in N. T. nuspiam legitur, & forte etiam rarissimè in profanis authoribus: non enim eius meminit in thesauro suo Henricus Stephanus. Author historiae Maccab. lib. 7. cap. 6, 8. ubi Judæos à Tyranno Antiocho ad celebrationem festi Dionysiorum & sacrificia Ethnica vi coactos fuisse refert, id usurpat, Verba sunt: *Ducebantur Judæi per vim æcerbam ad diem Regis natalem singulis mensibus celebrandum, δὲ πλάγνισμῳ, atque ad agendum colendumq; Bacchanaliorum solenne, cogeantur Judæi hederâ redimiri, Baccho pompam ducere. Decretum insuper in vicinas Græcorum urbes est editum Ptolomæi instinctu, idem institutum contra Iudæos urgere, καὶ πλάγνισεν.* Ubi nomē *πλαγχνισμός*, vulgatus reddidit latinè sacrificium, verbum *πλαγχνίζειν*, sacrificare. Sed Franciscus Vatablus prius vertit *visceratio*, postèrius *facere viscerationem*, & addit: *πλαγχνισμός*, visceratio erat sacrificii genus, aut epulæ in quo viscera casorum animalium, quæ idolis erant mactata

comē.

23
comedenda distribuebantur. Et paulo post *σπαραγγίζεν* idem est
quod *σπαραμύει*, carnes sacrificii crudas differtire, Piscator germani-
cè: *Dyfferstuck aufschneiden*.

§. 24. Immenſum hanc Dei erga homines peccata ſua ex Quæ erga
ſeria contritione & fide conſistentes, miſericordiam ſcriptura ſe- ſerio po-
ra verbis valdè emphaticis paſſim deprædicat: *magnam* vocat, nitentes &
2. Sam. 24, 14. Nehem. 9, 17. Pſalm. 51, 3. Eſai. 54, 7. *aternam*, 2. Para- conſiten-
lip. 5, 13. Eſdr. 3, 11. *ardentem & accenſam*, Hoſ. 11, 8. *tantam quantum* tes arden-
DEUS ipſe eſt, Sir. 2, 21. DEUM ipſum dicit *ὁ ἄλλος ὁ πολὺ σπαραγ- tiſſima eſt.*
γών, Jacob. 5, 11. *miſericordia divitem*, Ephel. 2, 4. *Patrem miſericor-*
diarum, 2. Corinth. 1, 3. Quæ omnia pluribus exemplis per utrum-
que teſtamentum luculenter confirmantur: *primarum parentum*,
Genel. 3, 15. *Israelitarum*, de quibus Aſſaph, Pſalm. 78, 10. & ſeqq.
Non cuſtodiverunt teſtamentum DEI, & in lege eius noluerunt ambu-
lare, ſed ſemper apoſtrophaverunt peccare, & in iram excitaverunt excel-
ſum &c. ipſe autem erat miſericors & propitiuſ peccatis eorum & non
diſperdebat eos, & abundavit ut averteret iram ſuam. Davidi, 2. Sam.
12, 13. & cap. 24, 10. *Manaſſu*, 2. Paral. 33, 12. *Petri*, Matth. 26, 69. &
ſeqq. Quo pertinent parabola de publicano, Luc. 18, de ove perdiſa,
Luc. 15, 4. ſeqq. inprimis de Acolasto & filio prodigo, cap. cit. v. 12. &
ſeqq. in qua veluti in theatro quodam, tum hominis peccatoris
extrema miſeria, tum immenſa & admiranda DEI miſericordia
ſpectanda introducuntur. Merito auctor homil. de Patre & duo-
bus filiis, tom. 2. oper. Chryſ. pag. 1304. Hic, inquit, *aperçè divina*
in homines charitas (& miſericordia) *deſcribitur: occurrit Pater Fi-*
lio revertenti, ſuperfunditur collo eius, & in eo lachrymans requie-
ſcit, oſculatur os eius, per quod emiſſa de corde confeſſio poenitentis exie-
rat, quam Pater laus excepit &c. Ambroſ. 1. 7. in Luc. cap. 15, tom. 5.
p. 122. *Non vereamur, quia acceptum ſpirituale patrimonium digni-*
tatis terreniſ prodeginus voluptatibus, feſtinare ad Patrem, non enim
DEUS *deleſtatur perditione vivorum, jam occurrens venienti tibi cadit*
ſupra collum, oſculum dabit quod eſt pignus amoris, ſolam, annulum,
calceamenta proferri jubebit. Tu adhuc iniuriam metuiſ: ille reſtituit
dignitatem: tu ſupplicium vereriſ: ille oſculum deſert: tu conviciuſ
timeſ: adornat ille convivium &c. confer ſerm. de tempore Barba-
rico cap. 7. tom. 9. oper. Auguſt. p. 559. Hieron. epiſt. 146. ad Da-
maſum, Tom. 1. p. 406, & ſeqq. maximè Petri Chryſoſtomi Raven-
natis

natis Episcopi sermones quinque, de duobus filiis prodigo & frugibus, & ex his imprimis *tertium*, quo cap. 17. Luc. versiculos à 11. usque ad 24. explicat, & infinitam Dei erga penitentes misericordiam verbis religiosissimis, jucundissimis, solatio plenissimis. adeoque lectu gratissimis depingit. Bernardi de interiori domo, cap. 37. pag. 305. column. 3. ubi pulcherrimè inter alia, sic festinat, inquit, misericors DEVS absolvere reum a tormento conscientie sue, quasi plus cruciet misericordem DEVM compassio miseri, quam ipsum miserum compassio sui: omnis spes venie & misericordie est in confessione vera &c.

Nec tamē
propter
confessio-
nem divi-
nitus ob-
tingit.

§. 27. Cavendum autem diligentissime, ne huius misericordie divinae consecutionem propter confessionem obtingere, persuaderi nobis patiamur. Veteres Ecclesie Doctores in suis ad penitentiae exercitia, & peccatorum confessionem exhortationibus non nihil securius scripsisse & locutos fuisse, ex ipsorum monumentis clarum est. Dum enim amplissimos ingenue confessionis fructus commemorarunt, saepius eidem occultam quandam ablendorum peccatorum atque purgandorum à vitiorum inquinamenti peccatorum virtutem tribuerunt. Peccati sola confessio hominibus saepe salutis fuit, acerbissimisque lachrymis graves noxas abluit, animamque vitio terram obscuramque purgavit, Gregorii Nazianzeni: Solvit criminum nexus verecunda confessio peccatorum, Ambrosii: Una solaque purgatio peccatoribus reliqua est post peccata, videlicet ut sua commissa confiteantur: confessio affert salutem cui contentus attulerat mortem, Chrysostomi. Peccata in confessione lavantur: confessio peccatorum purgat, confessio peccatoris est vita &c. Bernardi verba sunt. Cupidissime haec Pontificii arripiunt, quorum dogma est, de congruo mereri hominem peccatorem confessione sua peccatorum abolitionem & destructionem. Cornel. à Lapid. in hunc locum nostri, pag. 391. Confessio, ait, est peccati retractatio, ita quae congrua ad veniam dispositio. Penitens enim peccatum suum confitendo, illud revocat, retractat, & quantum in se est abolet, & destruit, quia de illo dolet, illudque refutat & detestatur: quare meretur, ut DEVS illud condonet, & per gratiam suam destruat. Jacob. Alvaretz de Paz. tom. 2. operum spiritual. part. 1. cap. 7. §. 2. quo de confessione speciali & qualitatibus bonae confessionis agit: Confessionis, inquit, utilitates sunt maxime: nam ipsa culpas lavat, poenas extenuat, gratiam

Vti Pontificii volunt.

gratiam ad cavenda in posterum peccata subministrat. Sublicit & lau-
 dat verba Ricardi Victorini: *Omnia in confessione lavantur, con-*
scientia mundatur, amaritudo tollitur, mare fugatur, tranquillitas
redit, spes reviviscit, animus hilarescit. itemq; Laurentii Justiniani:
Confessio veritatem imperat, gratiam promeretur, humilitatem nutrit,
caelum aperit, iram DEI coercet, pacem reddit, & offensam manifestam
cito propiciat, dummodo debito modo fiat &c. Idem tom. eod. part. 4.
 lib. 4. cap. 5. de aperta conscientie manifestatione, pag. 1601. *Vera*
confessio quasi prima alios actus virtutis ducit, diabolum debellat, & re-
gnum caelorum promeretur &c. vide etiam Thom. suppl. part. 3. q. 10.
de effectu confessionis. Aliena sunt haec talia ab analogia fidei, quin
 & iniuria in aeterni Patris gratiam, Christique meritum ac satisfac-
 tionem: hisce enim tantum, si vera fide apprehendantur, scrip-
 tura sacra deletionem destructionemque peccatorum, atque ab
 iisdem mundationem tribuit, quod alibi uberius ostenditur. Nec
 recte concluditur: qui peccata sua confitetur, misericordiam con-
 sequetur. Ergo confessio peccatorum est opus meritorum gra-
 tiae, delet peccata, mundat animam &c. Ineptus esset qui ex ver-
 bis Apostoli, 1. Tim. 1. 13. *Misericordiam DEI consecutus sum, quia*
ignorans feci, aut ex Hebr. 4. 16. aderam ad thronum gratiae, ut mi-
sericordiam consequamur, concluderet, ignorantiam Pauli, aut ac-
 cessum ad thronum gratiae, esse causas misericordiae divinae pro-
 merentes. Ita ineptum quoque est ex eo, quod misericordiam
 consequitur, qui peccata sua confitetur, colligere velle, confessio-
 nem promereri misericordiam. Varia enim Deus pro sapientissi-
 ma voluntate sua, in quotidianis sanctimonie exercitiis, quibus ad
 gratiam & vitam itur, nobis praescripsit, quae nequaquam causa-
 rum rationem habent. Ordinis haec pauca partes sunt, quem ab
 omnibus, qui misericordiam & salutem consequi cupiunt, obser-
 vari Deus praecipit, causa autem non sunt, quod etiam confessio
 pertinet, quam Deus ab homine peccatore exigit, non ut ei mi-
 sericordiam mereatur, sed ut ex vera agnitione peccati, & poenae
 inde promeritarum consideratione, ardens gratiae & miseri-
 cordiae desiderium in eodem excitetur, ut & alias propter causas
 alibi commemorandas: quem ordinem respexit David, Psal. 32. 7.
Dixi, confitebor adversum me iniquitatem meam, & tu remisisti
impietatem peccati mei, & Johan. 1. epist. 1. 9. *Si confiteamur pec-*

Contra h.
 dei analo-
 giam.

data nostra fidelis & iustus est DEVS, ut remittat nobis peccata nostra &c.

Locus

De Con-

fessione:

ubi.

1.

Ὁμολο-

γία, quæ

complecti-

tur.

2.

Etymolo-

giam.

§. 26. Transimus nunc à sententiæ Salomoneæ ἀγνῶντες ad ipsum doctrinæ de Confessione pœnitentiali caput, eiusdemq; breuem & succinctam tractationem, ubi ex receptæ methodi legibus, ab ἱεράσει nominis ordiendum: quod, licet non ab Ecclesiâ, ut plura alia, melioris explicationis gratia traditum sit, sed in sacris literis expresse legatur, hoc tamen significatu, qui huic doctrinæ proprius est, ut peccatorum confessionem significet, nuppiam, quantum novimus, reperitur: quo pacto à verbi, *confiteri*, unde deducitur, usu abit, quippe quod omnino passim in utroque testamento, quando de peccatorum manifestatione sive annunciatione sermo est, adhibetur, confer Jos. 7, 19. Dan. 9, 4. Jacob. 5, 16. Actor. 19, 18. Esse autem τὸ *confiteri*, verbum compositum satis notum, cuius simplex *fateor*, grammaticorum alii à *fari* deducunt, quod idem sit ac vehementer loqui, alii, ut quantitatis sit facilius reddere rationem, à græco *φατός*, dicendus, fandus, derivant, & distinguunt inter *fateor*, quod sponte aliquid affirmare si ve pronuntiare significet, & *confiteor*, quod cum coactione quadam coniunctum sit, & *profiteor*, quod aliquid ad gloriam præ se ferat. Respondet latino *Confessio*, hebræum *תורה*, quod ipsum etiam de peccatorum confessione, nec in scripturis sacris, nec forte alibi usurpatum legimus, licet verbum à quo originem trahit, hanc, præter alias, significationem habeat. Idem vero ut plurimum est atque latina, *gratiarum actio*, *celebratio*, *laus*, aut *res laude digna*, itemque *sacrificium laudis*. Semel, nimirum Jos. 7, 19. de commisso criminis manifestatione accipiendum forte videri posset, ubi Josua Dux populi Israelitici, Achan sacrilegum monens, ut, *quid fecerit indicet*, inquit, *תו תורה ליהוה*: sed ex ipsa phrasi & verbis statim sequentibus hoc quoque loco nomen *תורה* communem significationem suam retinere, liquet. Ad laudis enim divinæ celebrationem pertinet, si quis legitime interrogatus veritatem ingenue fateatur, unde Chaldaus hebræum *תורה* per *תורה* quod propriè gloriam & honorem significat, græci per *δόξα*, latinus per *gloriam* reddiderunt. Lutherus, 1534 die Ehr. Rabinorum *תורה* huc, scilicet ad pœnitentialem peccatorum confessionem recte refertur, utpote quo certa no-

tatur

tatur formula, qua Judæi statis temporibus peccata sua singulari
 affectu, & cum pectoris contusione ad singula verba, recitare
 consueverunt, vide Buxtorf. Lexic. Chald. pag. 933. Græci com-
 posita vocabula ἐμολογία, & ἑξομολόγησις (quorum simplicia notis-
 sima sunt) habent, quanquam posterius quidem in libris apocry-
 phis & apud Scriptores Ecclesiasticos, non autem in Codice N. T.
 occurrat, prius autem ea fere ratione qua Hebræum מְשִׁיב id
 est, de confessione fidei, qua nomen divinum celebratur, non de
 peccatorum confessione usurpetur. Confer 1. Tim. 6. 12. & 13. He-
 bræor. 4. 14. At verba ἐμολογία & ἑξομολόγησις, licet creberrimè
 etiam Hebrææ vocis naturam sequantur, aliquando tamen et-
 iam, ubi de confessione penitentiali verba fiunt, adhibentur, con-
 fer 1. Johan. 1. 9. ἡνὲμολογούμεν τὰς ἀμαρτίας &c. Jacob. 5. 16. ἑξο-
 μολογῆτε ἀλλήλοις &c. Germanorum vox est, Bekenntniß, item
 Beicht, de qua posteriore Lutherus, in der Warnungs-Schriſſe
 an die zu Francfurt am Mayn, daß sie sich für Zwingliſche Lehr vnd
 Lehren hüten soll &c. rom. 6. Jenenſ. germ. fol. 109. fac. 2. Beicht
 kömmt her / von dem alten teutſchen Wort Beicht: daher man die
 heilige Biſchöffe nennet Confessores, Beichtler / das iſt, Bekenner:
 den beichten / heiſt bekennen; wie auch im Gericht das Wort noch
 in Übung iſt / Brucht: vnd man ſagt / das jucht er / das hat er be-
 jucht, &c. vnd ſeind zwey unterschiedliche in dem Wort beicht / wel-
 ches mit der Zeit iſt in ein i verwandelt / vnd durch Mißbrauch /
 Beicht / als mit einem i / geſchrieben vnd geredt; wie viel andere teut-
 ſche Wörter alſo verderbet ſind &c.

§. 27. Porro voces *confessio* & *confiteri* per omnes linguas
 in sacris literis varias habere significationes ex modo dictis facile
 colligere licet. Est *confiteri* sepe nil aliud, quam *simpliciter testari*,
 palam, certò, liquidò ac intrepidè affirmare, Joh. 1. 20. *Baptista con-*
fessus est & non negavit, Matth. 10. 32. *si quis me confessus fuerit coram*
hominibus, confitebor & ego eum coram Patre meo caelesti, confer Luc.
 12. 8. Rom. 14. 11. Tit. 1. 16. Frequentissime vero in Vet. Test. idem
 est ac Deum, cuiusq. misericordiam, bonitatem, sapientiam, justitiam,
 celebrare, laudare, gratias agere, per synecdochen: qui enim ali-
 quem celebrat simul fatetur aut profitetur res ab ipso præclare ge-
 stas, aut accepta beneficia, confer Gen. 29. 35. 2. Sam. 22. 50. Psal. 6.
 5. & 18. 50. El. 12. 1. cap. 38. 18. Dan. 2. 23. quæ *confessio*, vel sit priva-
 tim

2.
Homonymiam.

rim à singulis, cum beneficia divina secum piè meditantur, Gen. 29, 35. Psalm. 42, 6. vel in publicis & solennibus ad exercitia sacra congressibus, Nehem. 12, 24. Non raro tamen significat, agnoscere in-
tra animum peccata, eademq; vel secretis gemitibus, vel simul verbis &
ore exponere & aperire, Levit. 16, 12. Psalm. 32, 5. Matth. 3, 6. & 7. vide
Flac. clav. part. 1. sub titulo confiteri, pag. 159. & Ravanell. sub titu-
lo eod. pag. 338. Altenstaig. & Tytz Lexic. pag. 168. & 175. Ex poste-
rioribus duabus significationibus nata est, notissima distinctio con-
fessionis, quod sit vel laudis, vel fraudis; hausta ex Augustini partim,
serm. 8. de verb. Dom. in Evang. secundum Matth. tom. 10. pag. 28.
ubi ad verba Christi, Matth. 11, 25. confiteor tibi Pater &c. scribit:
Confitemur sive laudantes DEVM, sive accusantes nos ipsos; pia utraq;
est confessio, sive cum te reprehendis, qui non es sine peccato, sive cum il-
lum laudas, qui non potest habere peccatum, si autem bene cogitemus, re-
prehensio tui, laus ipsius est &c. partim enarrat: Psalm. 30. tom. 8. p. 156.
& seq. ubi ad vers. ult. Domine DEVS meus in æternum confitebor ti-
bi. Quid est, inquit, in æternum confitebor tibi? In æternum laudabo
te, quia diximus esse confessionem & in laudibus, non tantum in pecca-
tis: confitere ergo modo, quod tu fecisti in DEVM, & confiteberis quid
tibi fecerit DEVS: Quid fecisti? peccata. Quid DEVS tibi consenti in-
iquitatem tuam? Dimittit tibi peccata tua, ut postea laudes ipsius confi-
tens in æternum non compungaris peccato, confer eundem in enar-
rat: Psalm. 117. (118.) tom. 8. pag. 1317. De hac distinctione Hugo
de Sanct. Victore tom. 1. in annot. Elucid. in quosdam Psalmos
Davidis, cap. 64. p. 51. confessio criminis vel fraudis est conversio pecca-
toris, confessio laudis est glorificatio creatoris: confessio fraudis est in de-
testatione mali, confessio laudis in exaltatione boni; confessionem frau-
dis parit timor, confessionem laudis parit amor.

3.
Synony-
mia.

§. 28. Synonyma Confessionis poenitentialis in scripturis di-
versa reperiuntur. David poenitens, Psalm. 8, 19. eam vocat an-
nuntiationem iniquitatis suae: iniquitatem meam, inquit, annuncia-
bo. Verbum hebraicum proprie significat, indicare, exponere, enar-
rare, adeoque quod animo voluitur, ore proferre & indicare: quo
etiam utitur, Josua cap. 7, 19. quando ad Achan, indica, inquit, mi-
hi quid feceris. Author explanationum super Psalmos 36, 37. & 38.
apud Origenem tom. 1. pag. 471. ad hæc Psalmi verba. Pronuncia-
tio, inquit, hic est confessio peccati, vide ergo quid edocet nos scriptura
divina.

*divina, quia oportet peccatum non celare intrinsecus. Fortassis enim, si-
 cut ii, qui habent intus inclusam aſiam indigeſtam, aut humoris vel
 phlegmatis ſtomacho graviter & moleſte imminuſcia, ſi vomuerint,
 relevantur: ita etiam hi, qui peccaverunt, ſiquidem occultant & reti-
 nent intra ſe peccatum, intrinſecus urgentur, & propemodum ſuffocan-
 tur à phlegmate vel humore peccati. Si autem ipſe ſui accuſator fiat,
 dum accuſat ſemetipſum & confitetur, ſimul evomit & delictum atque
 omnem morbi digerit cauſam &c. Idem Hieropſalces notificatio-
 nem dicit, Pſalm. 32. 5. Delictum meum notum tibi feci. Non inco-
 gnita Deo ſunt hominum peccata. Cum enim omnium filiorum
 hominum corda cognoscit, 1. Reg. 8. 39. cum hominum ſiat cogitatio-
 nes, Pſalm. 94. 11. & quidem à longe atque ab æterno, Pſalm. 139. 2.
 ſciat ſermonem in lingua eorum, v. 4. cum omnia nuda & aperta ſint
 oculis eius, Hebr. 4. 13. ſane & peccata hominum ut noſcat, necelle
 eſt. Imo nemo unquam hominum ſua peccata, ſive originale, ſi-
 ve actualia, eorumque gravitatem, atrocitatem, multitudinem
 ſpectemus, tam novit accurate, neque noſſe poteſt quam Deus,
 qui etiam occultum noſtrum in illuminatione vultus ſui ponit, Pl. 90. 8.
 Non itaque homo peccata ſua confitens, Deo, quod neſciat, ape-
 rit aut notum facit, ſed tantum quod ipſe jam ante cognitum eſſe
 intelligit, ſe quoque agnoſcere teſtatur. Chryſoſt. in cap. 4. Gen.
 tom. 1. p. 144. Numquid DEVS ignorat, diſcerat vultus: nequaquam quia
 ignorat, à nobis confeſſionem requirit, qui à omnia ſcit antequam ſiant,
 ſed volens per confeſſionem nos quoque peccatorum habere ſenſum &c.
 Talia ſunt, quando qui peccata ſua confitentur, ea dicuntur non
 abſcondere, Job. 31. 33. Non abſconde quaſi homo peccatum meum &c.
 non tegere, Pſalm. 32. 5. Præſci Eccleſiæ Doctores in hoc argumento
 dum verſantur, variis modis confeſſionem penitentialem de-
 ſcribunt, variis appellant nomimbus, quæ tamen cautè & ad fidei
 analogiam ſunt legenda & amplectenda. Chryſoſt. loc. modo cit.
 Confeſſio, inquit, peccatorum eſt abolitio delictorum, alibi in cap. 1.
 Genef. homil. 5. p. 27. eam appellat, peccatorum ablutionem. Auctor
 ſermonum ad fratres in eremo. ſerm. 30. quo toto de confeſſione
 peccatorum agit, tom. 10. Auguſt. p. 1335. inter alia, Hæc (confeſſio)
 inquit, eſt ſalus animarum, diſſipatrix vitiorum, reſtauratrix virtu-
 tutum, oppugnatrice demonum, pavor inferni, obſtaculum diaboli, an-
 gelorum tunica, Eccleſiarum fiducia, ſalus, dux, baculus, lumen, & ſpes
 omnium*

remnium facilius. O Sancta & admirabilis confessio? tu obstruis os infer-
ni, & aperis portas paradysi. O confessio, vita iustorum, peccatorum glo-
ria! &c. Huius modi plura passim in monumentis Patrum oc-
currunt, quidam hyperbolicis laudibus & ultra regulam confes-
sionem extulerunt, vel ad regulam fidei, quantum fieri potest, re-
vocandi & explicandi, vel omnino deferendi sunt.

§. 29. In questione *an sit confessio penitentialis*, expli-
canda, multum ut laboremus opus non est. Siquidem clarissima
sacrarum literarum utroque testamento plurimis locis eam par-
tim describunt, partim exigunt, partim eiusdem exponunt fru-
ctus. Accedunt illustria serae penitentiae exempla, qui gratiam
& remissionem à Deo petentes inter gemitus & lachrymas pec-
cata sua sunt confessi. *Distinguendi tamen sunt diversi hominum sta-
tus.* Siquidem *in statu integritatis*, ut nullam confessionis obie-
ctum, scilicet peccatum locum habuit, ita nec peccati confessio.
Laudis confessio, si homo in sanctitate sibi concreata perstitisset,
ipsi toto vitae naturalis curriculo, siue quamdiu viatorem, ut
Scholastici loquuntur, egisset, assidua fuisset & quotidiana: *nulla
vero fraudis*: Sic neque *in statu gloriae* transibit peccati confessio,
quando homo non tantum ad pristinam sibi concreatam integri-
tatem reducetur, sed & amplioribus ornabitur donis, ac veluti
angeli in iustitia confirmabitur, ut in omnem aeternitatem eadem
excidere nequeat. Sane quod peccatorum, tum originalis, tum
actualium, in hac vita perpetratorum, aliqua in illa vita sit futura
recordatio, non negandum. Quia enim electi assidue memores
sunt futuri beneficiorum Christi merito & obedientiae partorum,
gratuitae remissionis peccatorum, reconciliationis cum Deo, ju-
stificationis, aliorum, non poterunt non etiam de peccatis olim
commisis cogitare; quae verò cogitatio non erit cum dolore con-
iuncta confessio, sed potius maioris gaudii materia, ob aeternam à
peccato aliisque malis liberationem, Hebr. 9, 12. in qua perpetuis
laudis confessionibus deprædicanda leti, triumphantes, gloriosi oc-
cupabuntur. Habitatores caelestis domus in sempiternum laudant
DEVM, Psalm. 34, 5. semper plenum os eorum gaudio & lingua exul-
tatione, Psalm. 126, 1. confer Apoc. 5, 8. & seqq. c. 7, 9. cap. 14, 2. cap.
19, 1. Quam in rem Lactantius lib. 7. divin. instit. cap. 23. sub init.
p. 428. *Induantur anima corporibus, & prioris vitae factorumq; omnium*
memoria

memores erunt, & in bonis celestibus collocati ac fruente*s* iacunditate innumerabilium copiarum, presenti DEO gratias agent, quod malum omne deleverit, quod eos ad regnum vitamq; perpetuam suscitavit, confiter August. lib. 22. de Civ. D. cap. 30. quo argumentum de aeterna felicitate civitatis DEI sabbatoq; perpetuo, copiose, verbis pulcherrimis suavissimisq; persequitur, & totum opus suum claudit.

§i 30. Ceterum cum confessionis peccatorum varia sint species, alia publica, vel totius Ecclesiae, vel certae alicuius personae, alia privata, vel coram Deo solo, vel etiam coram Ecclesiae ministro, vel coram proximo offenso. Rursus alia divinitus mandata, adeoque omnibus poenitentibus simpliciter necessaria: alia bono Ecclesiae consilio piaque intentione introducta & libera voluntate recepta &c. confer D. Chemnit. Exam. Concil. Trjd. part. 2. cap. 5. p. 384. seqq. Gerhard. LL. C. C. de poenit. §. 97. & seqq. Hutter. L. L. C. C. p. 764. Eckard. dilucid. controvers. de poenit. cap. 5. p. 134. seqq. & supra, §. 20. hic de ea qua a DEO praecpta, & omnibus vero poenitentibus necessaria est, animus fert praecipue agere. Talis vero praecipue est, qua fit DEO soli aut ad ipsum solum, quando vel totus aliquis coetus, vel personae singulae peccata sua in corde agnita, DEO humiliter & sincere aperiunt, ac in sinum quodammodo eius effundunt. Totus olim coetus Israelitarum, praecunte Sacerdote, sua quotannis peccata publice confiteri DEO tenebatur, Levit. 16. 21. & seqq. quod pertinent publicae preces, quas vel impendentibus, vel prementibus publicis calamitatibus olim Judaei fuderunt, iisq; peccata sua quibus iram poenasque promeruerant, confessi sunt, confer 1. Sam. 7. 6. Esdr. 9. 10. seqq. Nehem. 9. 1. & 2. Jud. 10. 10. Dan. 9. 5. Licet enim expressam de publicis hisce precibus & confessionibus legem non acceperint, ex generali tamen mandato, quo ad agnitionem peccatorum omnes legis transgressores, si misericordiam DEI consequi cupiant, obstricti sunt, se obligatos esse facile intellexerunt, confer Jer. 3. 12. non irascar in perpetuum, sed tu scito iniquitatem tuam &c. Sic singulos etiam hominum, peccata a se commissa ex mandato divino agnoscere, & DEO confiteri debere, ex verbis Davidis, Psalm. 32. 1. & seqq. satis clare apparet, Dum tacui, inquit, inveteraverunt ossa mea, gravata est die ac nocte manus tua super me. Sensus est: Debebam ego TE, O DEUS, sic volente & iubente, peccata mea humiliter, & sincere tibi confiteri:

atque pra-

Confessio-
nes pecca-
torum cu-
sunt variae.

Hic de ea
qua a DEO
praecpta
& cunctis
poenitentibus
necessaria est.
praecipue
agitur &
fit
Soli DEO.
A toto coe-
tu.

A singulis
personis.

at prevaluit aliquandiu caro, ex cuius suggestionibus tacui, & peccata mea occultare conatus sum: sed heu quanta hoc silentio mihi mala atque pericula attraxi! *vetustate consumpta sunt ossa mea,* (ad quæ verba Augustinus: quoniam non protuli ore confessionem, omnis firmitas mea in infirmitate consenuit) *rugii tota die* (intolerabiles morsus & cruciatus conscientie intra me sensi,) *quoniam noctu & interdiu gravis fuit super me manus tua.* Ergo peccatum tibi meum notum faciam: Parebo mandato tuo solyam silentium: fatebor ingenue quæ commiserim, ut impetrem remissionem culpæ peccati mea. Eodem spectant verba Johannis 1. epist. 1. 9. *si confiteamur peccata nostra fidelis & iustus est (Deus) ut remittat nobis peccata nostra, & emundet nos ab omni iniquitate.* Habent promissionem solatio plenam, sed quæ, sicuti aliæ promissiones ferè omnes, includit mandatum hoc sensu. Deus paratus est peccata nobis omnia remittere, pollicetur mundationem ab omni iniquitate, sed simul præcipit, ut, quorum peccatorum remissionem desideramus, ea prius agnoscamus & confiteamur. Cyprianus ad hæc verba: *paternam misericordiam promittit DEVS & veniam secuturam, sed simul orare nos pro debitis* (quod sine confessione fieri nequit) & peccatis monuit. Hæc præcipua confessio peccati est à Deo mandata, & omnibus ac singulis pœnitentibus simpliciter, ex ordine divino necessaria, cum qua affinitatem habet confessio fraternæ, quæ, ut loquitur Chemnit. Exam. Conc. Trid. part. 2. cap. 5. p. 385. *proximo sit, quando scilicet, qui offendit proximum, pœnitentia ductus, fatetur se peccasse, & petit sibi ignosci.* Nam & hæc mandato divino nititur. Matth. 5. 24. *Vade reconciliare fratri tuo, qui habet aliquid adversum te.* Iacob. 5. v. 16. *Confitemini invicem delicta vestra &c.* Hæc sine nulla vera potest esse pœnitentia. *Fingitur enim non agitur pœnitentia* (sic iterum Chemnit. harm. Evang. c. 51. pag. 349.) *nisi rupta concordia resarciatur, ab eo, qui rupit, violatio charitatis intercludit aditum ad DEVM.* Bernhardus de seipso, *traktat. de præcept. & dispensat:* circa finem p. 272. colum. 3. *Non recipitur munus quodcunque meum, quod deferro ad altare, nisi ante placato fratre, quem me forte lesisse meminero.*

Cum quo
affinitatem
habet
confessio
ad proximum
offensum.

Causa Efficiens
principalis
confessionis

§. 31. Causa confessionis à Deo mandata & serio pœnitentibus necessariz fere eadem sunt quæ & contritionis. Quia enim confessio suo modo quædam contritionis pars est, ideòq; unde hæc nascitur,

sciat, inde illam quoque ortum habere necesse est. Est Deus tri- est DEVS
 unus principaliter, qui operatur contritionem, Ezech. 5, 9, ubi ego, triunus
 ait, contrivi cor eorum fornicans & recedens à me, & oculus eorum for-
 nicans & recedentes post idola sua & displicebant sibi in super ma-
 lis, quae fecerunt in universis abominationibus suis, confer disput. de
 poenit. in genere, §. 32. & alteram de contrit. §. 27. Habent id ho-
 mines peccatores ferè sine exceptione omnes ex originali pecca-
 to, ut, tametsi per ipsum conscientiae testem commissorum pec-
 catorum convincantur, eadem tamen vel prorsus negent, vel in
 alios transferant, vel extenuent, vel quocunque modo tegant at-
 que occultent, unde, ut liberè sincereque confiteantur, aliunde il-
 lis scilicet ex divina operatione obtingit, quae, sicuti primum cor com-
 pungit, Actor. 2, 37. percutit, 2. Sam. 24, 10. conturbat animam. Ps. 6,
 3. infigit sagittas, Psal. 38, 3. ita longius progreditur, ac ad humilem
 etiam & ingenuam confessionem impellit: quae omnia in Davidis
 poenitentis exemplo praeced. §. adducto, veluti quodam speculo
 contem planda exhibentur. Ex corruptae naturae vitio constitu-
 tum secum habet tacere, Psalm. 32, 3. & occultare peccatum, at di-
 vina gratia, hoc in ipso vitium corrigit, & ut ingenuam confessio-
 nem edat, operatur, ex illa enim prodeunt verba, v. 5. Cognitum
 tibi feci delictum meum, & iniquitatem meam non abscondi &c.

§. 32. Utitur autem Deus in operanda confessione verbo Organica
verbuna
legis.
legi tanquam efficaci organo. Nam, uti per eam hominem ad agni-
 tionem peccati deducit. Rom. 5, 20. iram suam ob oculos ponit,
 cap. 4, 15. perterrefacit, Psal. 63, sic etiam ut se peccasse, vel occul-
 te intra se acerbis suspiriis, vel aperte ore & verbis confiteatur,
 per eandem efficit. Ex legali concione Samuelis, 1. Sam. 15, 19. &
 seqq. adigitur Saul ut dicat: peccavi quia pravaricatus sum sermo-
 nem Domini: ex legali concione Nathanis David percellitur, ut si-
 militer peccavi, inquit, Domino 2. Sam. 12, 13. & post institutam
 populi numerationem, peccavi valde stulte egi nimis, 2. Sam. 24, 10.
 Probe tamen hic distinguendum videtur, inter confessionem cum
 desperatione coniunctam, & eam quam melior venia spes suffulcit,
 praecedat ac comitatur. Illam ex lege & sola quidem esse manife-
 stum est. Hac enim sola perterritus Cain fraticida exclamat in
 conspectu Domini: maior est iniquitas mea, quam ut veniam merear, Vbi tamen
notanda
distinctio
inter con-
fessionem
 Genes. 4, 13, hac sola perterritus Iudas peccari, inquit, tradens san-
 guinem

despera-
bundam
& bene
speran-
tiam.

34.

guinem iustum, Matth. 27, 4. *At hoc, quæ ex spe consequendæ gratiæ proficiscitur, simul etiam Evangelium complectitur, cum lex peccati remissionem aut veniæ impetrationem prorsus ignoret. Et tales à mundi origine fuerunt omnes omnium serio & salutariter pœnitentium, confessiones. Talis inprimis Davidis, qui dum Ps. 32, 4. ait: Dixi, confitebor adversum me iniustitiam meam Domino, & tu remisisti mihi impietatem peccati mei, verbis ipsis ostendit, se tacitè secum ex promissionibus divinis & piorum exemplis expendisse, quod humiliter confitentes remissionem peccatorum suorum omni tempore consecuti sint, atq; inde indubitati animo concepisse spem, fore ut ipse etiam, si confessionem aperit edat, eandem obtineat; mox firmiter decrevisse ac proposuisse (hæc enim vis est vocis dixi, Psalm. 39, 2. & 119, 57.) non tacere diutius, sed peccata omnia, quibus angatur, ex corde promere, & in sinum Dei effundere, ut gratiæ particeps reddatur. Huc pertinet parabola, Luc. 15. de Acolasto, qui omnino ex magna spe impetrandæ gratiæ paternæ secum meditatur, quibus verbis gravissima peccata offenso Patri confiteri velit. Surgam, inquit, v. 18. & ibo ad Patrem meum, & dicam ei: pater peccavi in celum, & coram te &c: ex illa ipsa spe surgit, & ad patrem venit, promittit meditatam confessionem, speratam misericordiam consequitur, vers. 20. & seqq. confer Ambros. lib. 7. in cap. 15. Luc. tom. 5. p. 124. ubi peccatores & confiteri, & in ipsa confessione optima quæq; à Deo expectare jubet: ore, inquit, sit confessio ad salutem: confitens igitur, ut interveniat pro te Christus, quem advocatum habemus apud Patrem, nec vereare ne non impetres. Advocatus spondet veniam, patronus promittit gratiam, reconciliationem tibi paternæ pietatis pollicetur assertor &c.*

Materia
negl. analo-
gicus ex
qua.
Diversi a-
ctus inter-
ni & exter-
ni.

§. 33. *Materia ex qua confessionis cum sit in accidentium genere proprie nulla est: nam ἀναλογίαν forte materia dici possent, quemadmodum & contritionis (confer præc. disp. §. 29.) diversi eius actus, tum interni, tum externi, ratione diversorum obiectorum, id est, peccatorum, tum originalis, tum actualium, quando homo in veræ pœnitentiæ exercitiis, primum se ex inmundi semine in utero materno conceptū, & ex ipso ortu originali vitio miserrime corruptum esse fatetur, post, ad peccata actualia, quæ à prima infantia & pueritia comisit progreditur, eorundemq; confessionem subiun-*

git:

git: quem actuum ordinem à Davide diligenter observatum fuisse, vel ex uno Psal. 51. satis constat: in quo v. 7. ad Jehovah, *Ecce, inquit, in iniquitatibus conceptus sum, & in peccatis concepit me mater mea*: ubi vim magnam habet particula *Ecce*, ex qua patet, Davidem post accuratissimam originalis & connata miserie sue explorationem, eandem ingenua & sincera confessione quodammodo oculis Dei exposuisse, & manifestasse. Sensus enim verborum est: O Juste & misericors Deus, contrito pectore agnosco extremam totius naturae meae ex ipsa conceptione corruptionem, agnosco mentis cecitatem & tenebras, voluntatis à Te & lege tua aversionem, imo inimicitiam contra eam, virium & facultatum animae omnium horrendam *depravationem*, quin etiam externa corporis membra originalis peccati quodam quasi veneno infecta esse agnosco: nec agnosco tantum, sed & tibi, quia id à me postulas, humilime confiteor & nota facio. Ab hoc confessionis actu perrexit ad alios, confessus est peccata gravia & atrocia, adulterium & homicidium, peccata infirmitatis & quotidianos lapsus, quod ex Psal. 51. cit. & aliis penitentialibus liquet: quia etiam *peccata ignorantia* est confessus, Psal. 19. 13. *Delicta quae intelligi, ab occultis meis munda me*, non quod ipsa ignorantiae peccata aperuerit: ignoti enim & simpliciter occulti, nulla potest esse confessio, sed quod se ignorantem multum & crebro peccare, uti sciverit, sic quoque sit confessus. Atq; hoc diversorum actuum ordine, quivis fidelis serio penitens suam coram Deo edit confessionem, qui eiusdem *materiae ex qua* ratione aliqua dici possunt.

§. 34. Forma in ipsa peccatorum agnitionum *apertione*, *Forma prolatione, detectione*, consistit; quae, si confessionem, quae Deo soli sit spectemus *duplex*, est, sc. *Interior*, precipua, & à Deo maxime *Interior* requisita, quando homo peccator, posteaquam secretò atque intra animum vitam & actiones suas, ad normam divinae legis examinavit, ac, quod innumeris vicibus & modis eandem sit transgressus, deprehendit, illico tacitis cordis gemitibus & cogitationibus id Deo aperit & confitetur. *Praecipuam hanc dicimus apertionem*, & cum primis à Deo requisitam, qui, quemadmodum in genere omnem cultum sibi debitum, in corde vult nasci, radices habere & ex eius sinceritate proficisci: *cor enim intuetur*, 1. Sam. 16. 7. *corda probas, & eorum simplicitatem diligit*, 1. Paralip. 29. 17. *in toto corde*

Exterior.

corde vult invocari, Psal. 119, 145. ex toto corde diligi, Deut. 6, 5. quem admodum in specie à penitente conversionem in toto corde, *lacrimationem* (contritionem) non vestimentorum, sed cordium postulat, Joel. 2, 13. sic quoque confessionem cordis precipue exigit, ut homo peccator, prius quam externam edat vocem, interiori animi meditatione, Psal. 19, 15. peccata sua detegat. Neque tamen altera exterior intermittenda est coram Deo peccatorum manifestatio. Fit sane, ut ad solam cordis confessionem priusquam linguâ homo quicquam proferat, fructus remissionis peccatorum sequatur: quo de August. in Psal. 32, v. 5. Dixi pronuntiabo &c. Non iam pronunciat David, sed promittit se pronunciaturum, & DEVS jam dimittit: attendite fratres, magna res, non dixit pronunciaui, sed pronuntiabo, & audimisti: eo ipso quod dixit pronuntiabo, ostendit, quia nondum pronunciauerat (ore) sed corde pronunciauerat, hoc ipsum dicere pronuntiabo pronunciare est, ideo & tu remisisti impietatem cordis mei, confessio vero mea ad os nondum venerat, dixeram enim pronuntiabo adversum me, veruntamen DEVS audivit vocem cordis mei. Verba in ore nondum erat, sed auris DEI jam in corde erat. At nihilominus ea quoque confessio, quam ex sincero corde humilis lingua & sermo proferunt Deo grata est. Placent Domino secreti fidelium gemitus intra pectora clausi, Psal. 38, 10. audit eos, Psal. 102, 22. placent tamen etiam eloquia & verba oris, Psal. 119, 15. quæ & clementer percipit, Psal. 5, 4, 4. dulcis cantus cordis, Coloss. 3, 16. jucunda tamen etiam est Domini laus in ore, Psal. 34, 2. unde animam cum labiis coniungit David, Psal. 71, 21. Cantabunt labia mea & anima mea, quam redemisti. Eodem modo sinceri cordis interna confessio est accepta coram Deo, simul tamen etiam externa oris, & quæ labiis non dolose profertur, Psal. 17, 1. id quod confessionum formulæ, quarum plurimæ in sacris litteris reperiuntur, abunde satis confirmant.

Finis & Effectus.

Ex parte DEI eiusdem glorificatio.

§. 35. Finis & effectus confessionis ferè iidem sunt, & qui contritionis. Ex parte DEI est ipsius gloria. Qui enim ex recto & sincero corde peccata sua confiteretur, eo ipso certatione DEI omniscientiam, veritatem, iustitiam & misericordiam deprædicat. Quod pertinent suspiria, Luth. in Psal. 51, v. 6. tom. 4. lat. p. 358. fac. a. O Domine sum ego lutum tuum, tu autem formator & sigillus meum. Quia igitur pronuncias me peccatorem esse, assentior verbo tuo & libere
aque

agnosco, & confiteor hanc impietatem latentem in carne nra, & tota natura, ut tu glorificeris, ego autem confundar, ut tu sis iustus & victor, ego autem cum omnibus aliis hominibus peccatum & mors, ut tu sis summum bonum, ego autem cum omnibus hominibus extremum malum, hoc agnosco & confiteor, ut tua gloria crescat. August. in enarrat. Psalm. 94. Maxime pertinet ad laudem DEI quando confiteris peccata tua, quia tanto plus laudatur medicus, quanto plus desperabatur egrotus: confitere itaq; peccata tua, quo magis desperabis de te propter iniquitates tuas: tanto enim maior est laus ignoscentis, quanto maior est exaggeratio peccata confitentis: & hoc ad laudem cantici pertinet, quia cum peccata nostra agnoscimus, DEI gloriam commendamus. Idem in sermon. 8. de verbis Dom. secundum Matth. tom. 10. p. 29. si pia nos accusamus, DEVM laudamus: in confessione sui accusatio est DEI laudatio.

§. 36. Ex parte hominis peccatoris, præter alios, quos cum contritione communes habet, est pudor & confusio faciei. Quia enim cor humanum natura durissimum gratie & misericordie capax esse non potest, nisi probe conteratur, ideoque Deus variis rationibus eius contritionem, quantum in se, operatur: quas inter etiam est pudor & confusio faciei. Hanc ab omnibus, qui peccata serio exigit, ac graviter irascitur iis, quibus frons est quodam quasi impudentie callo obdura, os ferreum, quales olim Prophetarum temporibus fuerunt Judæi, ad quos & de quibus Jehova, cap. 43. frons mulieris meretricis facta est tibi, noluisse erubescere, cap. 46. 15. confusio non sunt confusi, & erubescere nesciverunt, Zephani, 3. 6. quovis mane Dominus iudicium suum dat in lucem, nescivit autem iniquus confusionem. Die bösen deut wollen sich nicht schämen lernenti B. Lutherus reddidit: Quam impudentiam, ut animis expellat Deus, ad confessionem legis sue transgressores adigit, ut, dum juxta seriem præceptorum vitam suam examinant, peccata tum numero plurima, tum gravitate atrocia agnoscunt, eademque palam fateri coguntur, pudeant, rubore suffunduntur, adeoque magis magisque humiliantur, ad iusti iudicis tribunal prostrati, iram, pœnas, æterna supplicia se promeritos esse fateantur, & sic idonea fiant vasa, quibus misericordie divinæ oleum infundatur. Hoc patet ad pudorem & faciei confusionem Deo gratam perductus est Elia, qui, dum cap. 7. 6. seqq. Deo gravissima peccata

Ex parte
hominis
pudor &
confusio
faciei.

E 3.

longo

longo tempore cum alata ordine recenſet, DEVS, inquit, *mem confundor & erubeſco elevare faciem meam ad te &c.* Confer ardentiffimas Prophetae Danielis preces & ſuſpiria, cap. 9. à v. 4. uſq; ad 20. ubi poſt humilimam peccatorum totius populi Judaici, & in eo quoq; Regum, Principum, enumerationem, ad DEUM converſus, v. 7. Tibi, inquit, Domine *juſtitia*, nobis autem *confuſio faciei*, adde ex parabola, Luc. 18. 13. *exemplum publicani à longe ſtantis, & non audientis oculos ſuos ad cælum levare.* De hac confuſione ex confeſſione orta Auguſtinus epiſtola 48. ad Vincenrium ſub fin. tom. 2. p. 192. *Iſta confuſio adducit gratiam & gloriam, cum erubeſcit quiſque de propria iniquitate, & pœnitendo in melius commutatur, & ad v. 1. Plal. 30. tom. 8. p. 162. Eſt confuſio utilis perturbatio animi reſpicientis peccata ſua, reſpectione perhorreſcentis, horrore erubeſcentis, erubeſcentiâ corrigentis, & in Plalm. 86. ad v. ult. Qui noluit hoc modo confundi, ſalubriter, confundetur in iudicio permicioſe: præbet DEVS modo aditum ſalubris confuſionis, ſi non contemnus medicinam confeſſionis.*

§. 37. Præcipui hi fines & effectus ſunt confeſſionis. Reliquos, qui ex ſacrarum literarum partim ſententiis partim exemplis adferri poterant, præterimus, maxime cum in ſuperioribus diſſp. de pœnit. in genere & de contrit. plerorumque eorum facta mentione. Nec huius loci eſt, Scholaſticorum de hoc argumento in medium producere & ſub examen vocare varia & audacia poſtulata, de effectû confeſſionis ſacramentalis: qualia ſunt, *confeſſio animam à morte peccati liberat, confeſſio liberat etiam à pœna æterna, quin & temporalem pœnam, cum verecundiam annexam habeat, ſecundum maiorem vel minorem confitentis diſpoſitionem, ratione illius erubeſcentiæ, quam annexam habet, diminuit; confeſſio, cum à culpa & pœna reatu hominem liberet, paradifi etiam januam aperit & ſpem tribuit ſalutis, per confeſſionem generalem delentur peccata mortalia oblita (memoria elapſa) &c.* Sic confidenter de effectû confeſſionis ſcribunt & diſputant Pontificii: (vide Thom. ſupplem. part. 3. q. 10. & commentatores) quæ quo ſint loco habenda, uti facile quivis, qui ſaltem fidei analogiam recte tenet, intelligit, confer ſupra §. 26. ita alibi oftendendi occaſio erit.

Obiectum
Peccatum.

§. 38. Obiectum uno verbo eſt in genere *peccatum*. Quemadmodum enim ex conſideratione multitudinis & gravitatis peccatorum homo vere pœnitens conteritur, angitur, dolet, ſic eadem

dem sine mora confitetur, tum intra se mentemque suam, tum
 plerumque lingua etiam & sermone. In specie seria confessio
 obiectum habet primo omnium, *originale peccatum*, adeo ut *Originale*
 quemadmodum hoc omnium peccatorum actualium radix est,
 sic quis pie penitentes id ipsum vel primum animis volvant,
 agnoscant & confiteantur, vel, si maxime actualia nonnulla præ-
 mittant, ad ipsum tamen non multo post cogitatione descendant,
 seque eiusdem vitio misere corruptos & inquinatos esse, lamenta-
 bili voce conquerantur. Exemplo David est, qui Psalm. 51, 5. con-
 fessionem quidem suam orditur à peccatis actualibus, quæ com-
 miserat, eademque in conspectu suo noctu interdumque versari
 ait: sed mox v. 7. *in peccatis sese conceptum a matre sua*, adeoque ori-
 ginalem miseriam dolenter deplorat. Habet deinde etiam obiectum *Actualia*
peccata actualia, mente, cogitatione, affectibus, desideriis,
 concupiscentiis, gestibus, verbis, operibus, sive commissione, sive
 omissione perpetrata. Sicuti enim homo, cui seria penitentia
 exercitia cordi sunt, statis temporibus, liberè sumtis, non tantum
 quæ nudius tertius aut quartus, quæ heri hodieque *arripuit*, & con-
 tra legem divinam in se admisit, in mentem revocat, sed, memo-
 ria in ipsam infantiam, ex hac in pueritiam, inde in juveniles an-
 nos, ac sequentem ætatem redit, omniumque quæ unquam stultè,
 malè, iniquè, contra mandata divina, contra Parentum, Præce-
 ptorum, Ecclesiarum pastorum, salutaria monita gessit, quantum fie-
 ri potest, cum dolore recordatur (aliter enim qui facit, & huius
 ordinis securus contemtor est, inter verè penitentes non habetur)
 ita etiam cuncta humiliter confitetur, ut consequatur remis-
 sionem. Atque in hac, quæ coram Deo fit peccatorum confes-
 sione, locum fortè aliquo modo habere potest, quod aliàs in con-
 fessione auriculari Pontificii exigunt, ut homo accuratissimum con-
 scientia instituat examen, in omnem ab ipsa conceptione vitam, eius-
 demq. instituta & actiones diligentissime secum inquiret, & hoc facto,
 cor suum totum coram DEO effundat, id est, omnia, præcipue gravio-
 ra, quorum meminit, peccata humilime confiteatur: quo non in-
 commodè applicantur verba lament. Jer. cap. 2, 18. & 19. *deduc
 quasi torrentem lachrymas, effunde sicut aquam ante conspectum Do-
 mini cor tuum*: cuius examinis & recordationis vestigia haud ob-
 scura piorum exempla monstrant. Ipse Iobus inter varias affli-
 ctiones

ctiones suas meminit peccatorum adolescentie sue. cap. 13. 26. & c. & propter eas ab ira divina consumatur, metuit. Davidica confessio nota est, suspiriis, Psalm. 2. 7. comprehensa: *delicta juventutis mee & ignorantiae ne memineris &c.* ubi, non de se ipso Davidem loqui, sed aliorum inducere personas, qui priora delicta sua confiteri didicerunt, à scopo precantis totoque contextu alienum est. Versatur, dum psalmum profert & preces fundit, David in gravi periculo, ab hostibus undique cingitur, divinam itaque opem implorat, & ne propter peccata sua in manus inimicorum ad sui confusionem tradatur, orat: ubi fatetur se peccatis suis non illis tantum quae super patrarit, sed etiam, quae in juventute commiserit, iram & poenas meruisse, sperare autem, se, cum delicta sua agnoscat, gratiam, misericordiam & ab hostibus liberationem impetraturum: confer confessionem Esdræ cap. 9. 6. & seqq. Daniel. cap. 9. 4. & seqq. Apostoli Pauli, 1. Timoth. 1. 13. Et ex ordine Patrum Augustini libros confessionum, imprimis lib. 1. cap. 7. & seqq. & lib. 2. cap. 1. & seqq.

Subiectum
Homo
peccator
qualis o-
mnis est.

Nemine
excepto.

§. 39. Subiectum homo peccator est, quem jam commisi peccati poenitet. Is enim, quemadmodum ex legis divinae contemplatione peccata sua eorumque multitudinem & gravitatem mente agnoscit & voluntate ad eadem exhorrescit, ea detestatur & odit, inde ingenti dolore & tristitia afficitur: sic libere in conspectu Dei & coram eius tribunali, omnia, tum intra pectus suum multis suspiriis, tum lingua & verbis externis confitetur. Atque hic nemo exemptus est: Omnes enim sunt sub peccato, Rom. 3. 9. non est qui faciat bonum, non est usq; ad unum, v. 12. omnes peccaverunt & indigent gloria Dei, v. 23. omnes peccato originali inquinati sunt, ex immundo semine concepti, Job. 14. 4. Psalm. 51. 7. sunt caro de carne, Joh. 3. 3. neque ullus eorum est, qui ab omni peccato actuali liber sit, cum secretior corruptionis radix nunquam ab opere quiescat, nunquam plane torpida sit, sed fructus sibi similes semper proferre saltem nitatur, unde omnibus necessaria, ut poenitentia suis partibus integra, sic quoque confessio ad priorem partem pertinens. Omnes etiam sancti orant pro peccatorum remissione, Psalm. 32. 6. & dum orant, se peccatores esse fatentur. Johannes Apostolus 1. epist. cap. 1. 8. de se atque aliis omnibus, si dixerimus, inquit, quoniam peccatum non habemus, ipsi nos seducimus & veri-

Veritas in nobis non est: si confiteamur peccata nostra ipse fidelis est
 &c. in qua verba Augustinus: Quisquis, ait, fuisse vel esse in hac vi-
 ta aliquem hominem, vel aliquos homines putat, excepto uno mediatore
 DEO & hominum, quibus non necessaria fuerit (confessio) & re-
 missio peccatorum contrarius est divina scriptura. Et paulo post: Quis-
 quis, dicit post acceptam remissionem peccatorum, ita quendam homi-
 nem iuste vixisse in hac carne, vel vivere, ut nullum omnino habeat pec-
 catum contradicit Apostolo Iohanni. Non admittendus hoc loco ob-
 scurus autor orationis, quæ Manassi Regi Iudæorum adscribitur
 (quam nec hebræus nec græcus codex habet, nec in latinum, quo
 pacto venerit, constat, merito ipsis quoque Pontificiis *ἡμεῖς* &)
 cum inquit, *iustus Abrahamo, Isacco, Iacobo non esse positam peniten-
 tiam, adeoque neque confessionem, nisi comparate locutus esse intel-
 ligatur.* Fide in Christum omnes fuerunt præditi, fide in eundem
 iustificati; unde necessaria in ipsis fuit præcedens peccatorum
 agnitio & confessio, cum gratuita iustificatio solis iis obtingat,
 qui ob iniustitiam & iniquitatem suam dolentes, de semetipsis de-
 sperant, & in solo Christo iustitiam, quæ coram Deo consistant,
 fide quærunt & amplectuntur. Quæ de immaculata B. Mariæ
 virginis conceptione, de aliorum nonnullorum in ipso utero ma-
 terno à peccato originali purgatione, per quam nullis peccatis
 actualibus obnoxii fuerint, Pontificii sine scripturarum funda-
 mento tradunt, adeoque quibusdam hominibus peccatorum
 confessionem non necessariam fuisse, docent, alibi lib. examen
 vocata & confutata sunt, quæ hic repetere super sedemus: confer
 disput. de peccat. original. §. 31. & de peccat. actual. §. 31.

§. 40. *Adiuncta confessionis*, quæ sint, ex dictis & exemplis
 hætenus allatis liquet. Pontificii sedecim qualitates confessionis
 suæ sacramentalis numerant, quas tamen ad tria capita nonnulli
 eorum revocant, quorum primum, aiunt, esse ut confessio sit integra,
 secundum ut sit dolens, seu lachrymabilis, tertium ut sit vera & pura.
 Vide Martin. Bonacin. Tom. i. de pœnit. sacram. disp. 5. q. 5. sect. 2.
 punct. 2. p. 112. Quæ sigillatim examinare nostrum nunc non est,
 cum de ea tantum confessione, quæ coram Deo instituitur, tra-
 ctare decreverimus. In piorum confitentium exempla si intuea-
 mur, eorumque gestus & verba consideremus, elucet inde præci-
 pue magna animi demissio, ex qua sese ad iudicis DEI tribunal hu-

Animi de-
 missio.

F

milime

Simplici-
tas.

milime abiecerunt, sederunt in pulvere, nullo se beneficio divino amplius dignos judicarunt, confer 2. Sam. 12, 16. 2. Chron. 32, 26. & cap. 33, 12. Luc. 7, 37. & seqq. ut & parabolas de Acolasto, Luc. 15, 18. & 19. & de publicano, cap. 18, 12. Est hæc humiliatio omnino à se-
ritia confessione inseparabilis. Fieri enim nequit, quin, qui ex *con-*
trito corde & spiritu contribulato, peccata agnita promit & fatetur,
se hominem omnium abiectissimum vilissimumque aestimet. Elu-
cet etiam *sinceritas & simplicitas*, ex qua sine vel excusatione, vel
extenuatione, vel translatione in alios, peccata ex corde sine hy-
pocrysi sunt confessi. Ingenua sunt Davidis verba, 2. Sam. 12, 13. *pec-*
cavi Domino: post patrata adulterii & homicidii scelera, magis in-
genua post numerationem populi, cap. 21, 8. *Peccavi nimis, insipien-*
ter egi. A *Satana*, qui contra Israellem consurrexerat, concitatus fue-
rat David, cap. cit. 1. *adnumerationem*, nec tamen ipsum, sed se so-
lum accusat peccatique reum arguit, novit quippe se Satanicas
tentationes, si arma ritè adhibuisset, facile vincere potuisse. Quam
ingenuam Davidis cum Saulis confessione conferens Bernhardus,
quærit, cur, cum ambo Reges, ambo peccatores, ambo confitentes,
ambo eandem vocem ediderint: *peccavi Domino*, alteri tamen per Na-
thanem dictum sit: *Dominus transiit a te peccatum tuum, non morie-*
ris, alteri vero per Samuelem: *Dominus transiit regnum tuum*, &
subiicit ideo hoc factum esse, quod *Saul hoc non senserit in corde*; quod
gesserit in ore, *peccavi*. Similis simplicitas & ingenuitas in confes-
sione aliorum vere pœnitentiam utroque testamento conspici-
tur qui non dubitarunt commissa aperte in conspectu Dei profer-
re, quippe non nescit, si ea occultarent, fore, ut, quod Davidi ali-
quando accidit, acerbissimis conscientie moribus cruciarentur,
ac nusquam requiem invenirent, Psalm. 32, 3. & 4. *Cur te pudeat,*
peccatum tuum dicere, cum non puduerit facere: cur erubescas DEO
confiteri, cuius oculus non potes abscondit inquit Bernhardus in sen-
tent.

Locus &
tempus.

§. 41. Locus & tempus confessionis eadem sunt, quæ ipsius
pœnitentie & contritionis, ratio siquidem hic eadem est totius
& partium, unde, quæ disp. de pœnit. in genere, §. 43. & disput. de
contrit. §. 39. allata sunt, huc quoque applicanda. *Quemadmodum*
omnis locus precibus fundendis, si necessitas exigat, idoneus est.
2. Timoth. 2, §. sic & confessioni peccatorum. Placet Deo preca-
tio,

45
tio, ubi tandem cumque locorum instituitur. Egregie autor nomiliarum ad popul. Antioch. apud Chrylost. homil. 7, 9. qua *in oratione attendenda* exponit, tom. 5. p. 470. *In precibus non est querendus locus, sed loci principium, qui ubi vis prope est & ait: ecce adsum, ergo ubicunque sis, pectoris altare tuum constituere, nihil locus prohibet: Iob in stercore, David in lacu feruq, Hieremis in cono, Ionas in ipso ceti ventre, Lairo in cruce distentus DEVM deprecati sunt: ergo ubicunque sis, ora, templum es, ne locum queras &c.* Ita etiam confessio peccatorum, quæ precum species est, nullum excludit locum, quam ardes & templa publica cultui divino consecrata, privatis locis certa ratione præferenda. Idem etiam de tempore statuen dum: *Tota hominis Christiani vita perpetua est penitentia*, ut eandem semper vel actu exerceat, vel ad eam exercendam sit paratus: Ideoque etiam confessio peccati eadem ratione est perpetua: quo momento labimur decet, ut lapsum agnoscamus, confiteamur, gratiam divinam & remissionem petamus.

§. 42. *Cognata*, ferè cum ipsa penitentia, ut & contritione *Cognata* confessio habet communia, vide disp. de penit. §. 19. de contrit. §. 40. *Magis tamen affinis est illa confessio*, qua, qui proximum gravius offendit, peccatum suum agnoscens, eundem placide compellat, sibi que ignosci petit, de qua supra §. 20. *in qua confessione requiritur ab eo, qui offendit, ut ultro agnoscat delictum, ut de eo se- Confessio ad proximum la- sum.* rio doleat, ut humiliter deprecetur, & damni live vitæ, live famæ, live facultatibus illati mature facienda rationem diligentissime ineat, adeoque *abiatum quantum in se restituat*, quæ omnia Christus Salvator, apud Matthæum Evangelist. cap. 18, 19. descriptione gestus & verborum servi in genua coram creditore procidentis, orantis, deprecantis, exprimere voluit, & compendiosius apud Evangelist. Lucam, cap. 17, 3. *Si peccaverit in TE frater tuus, increpa illum, & si penitentiam egerit, dimiste illi. Penitentiam à peccante & offendente exigit Christus*, adeoque omnino offendere veram agnitionem, de eadem serium dolorem & humilem deprecationem, ad quæ non potest non sequi emendandi & emendandique studium. Horum si aliquid delit confessio non sincera sed hypocritica est, qualis fuit Saulis, hominis, sua culpa & iusto Dei iudicio, per Satanam indurati, qui quidem confessus est se Davidem hostiliter persequendo peccasse, agnovit Davidem se iustis-

rem, promisit emendationem, sed non præstitit, de quo D. Osiand. Sicut, inquit, furiosi homines, quandoque dilucida intervalla habent: ut ad spatium horæ aut amplius etiam nihil inepte dicant aut faciant, paulo autem post ad insaniam redeant. Sic impii quandoque ad breve tempus præ se ferunt conversionem & penitentiam, sed mox ad vomitum redeunt. Et tales etiam non sunt capaces fructuum confessionis. Quia enim ea sincera non est, non recte radicata, hinc nec fructum ferre contenti potest, qui aliàs inter alios etiam est, actualis condonatio & remissio. Expresse enim Christus Salvator ordinem hunc constituere, ut non nisi penitenti offensa ipso opere dimittatur: quo etiam spectant verba eius sequentia, v. 4. Si septies in die peccaverit in te (frater tuus) & septies in die conversus fuerit ad te dicens, poenitet me, dimitte illi. Paratus quidem omni momento, toto animo, quivis offensus esse debet, offensam, quanta etiam illa & quam gravis videatur, offendenti remittere & condonare. Sed ut opere ipso homini maliose & pertinaciter offensas sine intermissione continuanti augentique remittat, obstrictus non est, imo ad contrarium expressis Christi verbis obstrictus, qui vult: ut offensus peccantem & in peccatis perseverantem tamdiu obiurgat, quamdiu peccare pergit, nec prius dimittat offensam, quam eius poenitentiae signa deprehendat. Clarissima sunt verba: Si peccaveris in te frater tuus, increpa illum, id est, quamdiu ille te offendere pergit, tamdiu tu perge increpare, nec desine prius, quam ille offendere desinat & poenitentiam agat. Gravissime B. Lutherus noster in explicat. sexti cap. Matth. ad v. 14. tom. 5. Jen. pag. 407. & tom. 4. Witteberg. germ. p. 57. So ihr den Menschen ihre Seele vergebet etc. Wir vnd dir gebühret nicht (im gemeinem privaten Leben) die Sünd zu straffen/ sondern zu vergeben/ daß du also gedengest/ ob gleich dein Nächster aus Bosheit wider dich gethan hat/ so ist er dennoch verirret/ gefangen vnd verblender vom Teufel/ darumb soltu so fromm seyn/ vnd dich sein vielmehr erbarmen/ als der vom Teufel überweltet ist/ daß es wol des Teufels halben/ der ihm solches ein gibt/ ein große vnergebliche Sünde ist/ aber des Menschen halben ein Fehl oder Gebrechen heisse: doch mußtú solche Fehl und Gebrechen also deuten/ daß es der Nächste/ so wider dich gesündiger/ erkenne vnd Vergebung begehre/ vnd sich bessern wölle: den Sündedie man verhedigt/ soll man nicht vergeben/ sondern binden in Abgrund der Hölle.

Hölet. Und wie es nun zugehet im Ampt der Schlüssel / so gehet es auch mit einem ieglichen Christen gegen dem Nächsten / welcher / ob er wol soll bereit seyn jederman zu vergeben / der ihm Leid thut / doch wo er die Sünd nicht will erkennen noch ablassen / sondern darzu noch fortsahren / so kanstu ihm nicht vergeben / nicht deiner / sondern sein selbst halben / weil er die Vergebung nicht haben will. So bald er sich aber schuldig gibt und Vergebung begehret / so soll es alles geschehet seyn. Summa wo er sich nicht erkennen will / soll man sein Gewissen auff's höchst beschweren / und keine Gnade erzeigen / als der da will *Augustinus* *prax. Eccles. circa confess. &c. part. 1. q. 3. p. 16. & seqq.*

§. 43. Sanam de confessione peccatorum coram Deo doctrinam olim certo modo *oppugnarunt Veteres Heretici*, quotquot vel Ecclesiam militantem in his terris per omnia sanctam, puram, angelicam, esse posse, vel graviter lapsos remissionem peccatorum consequi non posse, docuerunt; quales fuerunt *Novatiani, Cathari, Donatista*. *Oppugnant hodie Anabaptista*, quorum dogma est, *renatos non egere penitentia*, quia *puri & sancti sint*, confer *Wigand. Anabapt. p. 11*. *Oppugnant Pontificii*, qui quidem de sua sacramentali confessione, quam definiunt *secretam delinquentis accusationem suorum commissorum peccatorum, coram sacerdote jurisdictionem in eum habente, spe consequenda remissionis*, innumeras ferè movent tractantque questiones, quin integra volumina scribunt, at eam peccatorum confessionem, quæ coram Deo fit, quæ omnibus omni tempore ab ipso Ecclesie militantis exordio est necessaria, quæ sine stare penitentia nequit, nec sperari gratia divina, & remissio peccatorum, vel omnino prætereunt, vel paucissimis attingunt: id quod cuivis in rem præsentem venienti, eorumque de hoc argumento disputationes lustranti, obviam. *Oppugnant Calviniani*, quotquot pertinaciter inhaerent dogmati, de absoluto electionis & reprobationis decreto, Hoc enim, quemadmodum omnes fere Christianæ religionis articulos periculosissime inficit, ita etiam doctrinam de confessione corrumpit; quia enim, quantum in se, universalitatem divinæ gratiæ, meriti Christi & promissionum Evangelicarum destruit, & ad pauciores ex humano genere eorum efficaciam restringit, reliquis pluribus *spe consequenda remissionis peccatorum adimit, adeoque irritam*

ritam inanemque facit confessionem: sublato enim confessionis
 fine, ipsa quoque confessio tollitur. *Oppugnant* etiam suo modo
securæ mentes, quæ gravitatem negotii confessionis non satis digne
 ponderant: quæ non expendunt iudicis coram quo confessionem
 edunt severitatem, non expendunt peccatorum tum originalis,
 tum actualium atrocitatem & multitudinem, non expendunt
 suppliciorum & poenarum, quas meruerunt gravitatem & acer-
 bitatem: sed vel stantes, vel sedentes certas preclararum formulas,
 sine interiori motu & affectu recitant, & hoc pacto officio suo se
 præclare defunctos esse, hac in parte sibi persuadent. Quæ opinio
 quantas passim, & quam profundas egerit radices, satis experien-
 tia atque ipsa plerorumque confitentium testantur opera & mo-
 res, quorum nulla omnino emendatio & correctio in communi
 vita deprehenditur: quæ alias, si periculum & gravitas rei ritè
 ponderata fuissent, non potuissent non ultro sequi. Est etiam vo-
 cabulum *confessionis*, uti alia fere omnia, in articulo de justificatio-
 ne ex *formidabili foro humano desumptum*, in quo conspicitur *reus*
 qui graviter deliquit, erigitur *tribunal*, ascendit *iudex*, prodit *ac-*
cusator qui simul reum sceleris convincit, ut nolens volens *fateat-*
ur, quid patrarit, unde *lex* producitur, fertur juxta eam *horren-*
da mortis sententia &c. Ad talia nos spectacula Spiritus Sanctus
 deducit, ut, quam ardua res sit peccatoris coram Deo justificatio,
 & in illius processu etiam confessio peccatorum aliquantulo re-
 citius intelligamus. Piè, ut omnia, D. Chemnit. part. 2. LL. CC.
 p. 251. *Homines profani, securi, Epicuræi existimant rem & actionem*
valde levem esse justificationem peccatoris, & ideo peccatum non valde
curant, reconciliationem cum DEO non serio expetunt: has Epicuræas
cogitationes refutant judicialia verba, & ostendunt non leve aut per-
functorium aliquid esse justificationem peccatorum, sed totum homi-
nem sibi iudicio DEI & examinari, tum secundum naturam, tum se-
cundum opera, idque juxta normam legis divine. Conferantur se-
quentia.

Definitio.

§. 44. Quod superest, ex iis, quæ hætenus allata sunt, ta-
 lis oritur confessionis peccatorum coram Deo definitio. *Confessio*
peccatorum coram DEO est actio religiosa, qua homo penitens, vi legis
divine contritus, & peccata sua tum originale, tum actualia agnoscens
& deplorans, eadem vel solis mentis suspiriis, vel simul etiam lingua &
verbis

47.
verbis, coram tribunali DEI iudicis animo demisso, humili, sincero, simplici profert, ut DEVS eiusq; iustitia celebretur, homo vero peccator salubriter confusus, ad gratiam divinam confugiat eandemque consequatur.

Doct. nro Oew.



Præstantissimo Dn. Respondenti.

Cum pridem tuleris nomen titulumq; Magistri,
Quem studium peperit sedulitasq; Tibi :
Ordine felici nunc ad sacra pulpita tendis :
Adspiret captis summus Iovatus !

*Amoris ergo gratulabundus
scrib.*

Præses.

Præstantissimo Dn. Respondenti,

Amico dilecto.

DE Pœnitentia, sacra quam literæ
plenè explicant, & anxii cordis quidam
Confessione, dum eruditè disputas :
Non pœnitendos Te progressus in tuis
Studiis probas fecisse. Quare gratulor,
Augmenta votis unà amicis comprecans.

f. grat.

Sebastianus Schmidt, S. Th.

D, PP, h. t. Fac. Th. Decanus.

Præstan-

Præstantiss. Dn. Respondenti.

Parturit eximios solers industria fructus,
quos tibi promittit benedictio larga Jehovah:
spem gymnasma fecit, quod præbe s: rem quoq; habebis
HÖNIGI, quando perges instare labori.

aggraturatur

Ioh. Conrad. Dannhauer, D.

Ad Dn. Respondentem

Virum Iuvenem sinceræ pietatis ac Modestiae, Variæq;
eruditionis flore Præ-eximium, Affinem multis
nominibus sibi dilectissimum.

Miscebat tenero primum tua Musa labore,
præcorum sophiæ quicquid & artus erat.
Proxima cura fuit Virtutis scribere formam
que tibi dux vita, lux & imago præit.
Verbis facta tuus sed non æquare dabatur,
& capiens summum vix medium omnis habet.
His perfectus erit, qui non valuisse fatetur
quadam! solerti pectore volvis idem.
Felici prudens perfectum fidere tentas,
sic bene! sic semper Numinis ordo rulit.

scripsit

Valentinus Sittig/Gymnas
Worm. Rector.

Pereximio Dn. M. Resp. Amico honorando!

S. P.

Munera cum numerum sua contraxisset in arctum,
Antea crebra nimis, præcipitata nimis,
Cæsar: Mirmillo quaeritur virtutis ademptam
Spem sibi: proh Ætas quam mihi bella perit!
Incluta nam Virtus, per desidis ocia vita
Marces, & est multo, quam fuit ante, minor.

Fallor

Fallor an est eadem Tibi mens, & pectoris ardor,
Hōnigi, Cordis portio magna mei,
Spes Patriæ, Patrisque decus, Matrisque voluptas,
Quæ velut Hanna, Deo Te cupit esse Sacrum.
Hactenus & Linguas, & prisca reperta Sophorum
Theiologo, referant quæ faciuntque, viam.
Sedulus urfisti curisque sagacibus: Urges
Nunc simili studio sollicitâque fide,
Theiologia sinu quicquid complectitur amplex.
Testes sunt Templi, pulpita, suntque Schola.
Sic operam, ne plus traheres diludia iusto
Das, vigili versans Biblia Dia, manu.
Testatumque facis: quid in hâc profeceris arte,
Conscriptas doctè quando tuere theses.
Exere, ceu potes, in tanto certamine, vires,
Et palmam palmis hanc superadde tuis.
Indolis est speculum Sermo; ceu lamina forma:
Istud & hâc ipsâ certius esse reor.
Sacrosancta Trias conatibus adsit ab alto!
In Domino vanus sic labor esse nequit.

Gratulabundus:

amoris purpureus.

M. Elias Kolbius, Dia-
conus Neopetrinus.

A Equoreis quinquis diu tempestatibus actus:
Marmoris undosi criste cucurrit iter;
Cum jam portum oculus tenet, & terram anchora mordet;
O! quoties lætus cantat & audit jo!
Ære tuba rauco festum dat navita signum,
Conchæq; si qua sit, Martia nulla tacet.
O! vastum ad Pierin pelagus! tua cerula scindens:
Cogitur heu! dubius quanta pericla pati.

Sire

Sirenum hic scopuli, truculentaq; saxa Malea,
Scyllaeq; canes, & maris omne pecus:
Quantum, ô vidisse hac, & non periisse saluti est!
Audisse has quantum, nec periisse iuvat!
O te felicem, qui tot discrimina rerum
Evades mox, nec scis periisse tamen.
Iam periisse nequis, Sirenes atque charybdin
A tergo cernis monstraq; cuncta maris.
Euge, nihil superest, sine mordeat anchora terram,
Adspira, venies mox tibi pulcher honor.

Sic Præcellenti Dn. Resp. Commensali suo,
in sincerioris amicitiae tesseram gratu-
labundus applaudit


I. F. Marx, LL. Studiof.

Ad Fratrem Respondentem.

Decantare tuas longo mihi carmine laudes
Non opus, artificem sat bene laudat opus:
Dotibus eximiis ars te & natura bearunt,
Et studium dotes accumulare solet.

Balthasar Hoenig.

F I N I S.



005647233